

大



詩紀目錄

陳一

卷之九
十八

后主

採桑

日出東南隅行

三婦艷詞十一首

飛來雙白鶴

採蓮曲

昭君怨

朱鷺

巫山高

有所思三首

雉子班

臨高臺

隴頭

隴頭水二首

折楊柳二首

關山月二首

洛陽道五首

長安道

梅花落二首

紫驕馬二首

雨雪曲

劉生

飲馬長城窟行

楊叛兒曲

舞媚娘三首

估客樂

三洲歌

前有一樽酒行

自君之出矣六首

玉樹後庭花

烏棲曲三首

東飛伯勞歌

長相思二首

古曲

獨酌謠四首

同江僕射遊攝山棲霞寺

同平南弟元日思歸

立春日汎舟玄圃各賦一字六韻成篇

獻歲立春光風具美汎舟玄圃各賦六韻

上巳宴麗暉殿各賦一字十韻

上巳玄圃宣猷堂禊飲同共八韻

春色禊辰盡當曲宴各賦十韻

祓禊汎舟春日玄圃各賦七韻

上巳玄圃宣猷嘉辰禊酌各賦六韻以次

成篇

七夕宴宣猷堂各賦一韻詠五物自足爲

十并牛女一首五韻物次第用得帳屏

風案唾壺履

七夕宴重詠牛女各爲五韻

同管記陸琛七夕五韻

七夕宴樂修殿各賦六韻

七夕宴玄圃各賦五韻

五言同管記陸瑜九日觀馬射

五言畫堂良夜履長在節歌管賦詩迺筵

命酒十韻成篇

同管記陸瑜七夕四韻

初伏七夕已覺微涼旣引應徐且命燕趙

清風朗月以望七襄之駕置酒陳樂各

賦四韻之篇
晚宴文思殿

宴光壁殿詠遙山燈

三善殿夕望山燈
入隋侍宴應詔

幸玄武湖餞吳興太守任惠

宴詹事陸繕省
聽箏

附錄

隋渠詩
小窻詩

寄碧玉詩
戲贈沈后
后答詩附

陳二
卷之九十九

陰鏗

新成安樂宮
班婕妤怨

蜀道難

和登百花亭懷荆楚

奉送始興王
廣陵岸送北使

江津送劉光祿不及

和傅郎歲暮還湘州

渡青草湖
渡岸橋

遊始興道館
開善寺

罷故章縣
間居對雨二首

行經古墓
和樊晉陵傷妾

和侯司空登樓望鄉

登武昌岸望

晚出新亭

晚泊五洲

詠得神仙

遊巴陵空寺

秋閨怨

南征閨怨

侯司空宅詠妓

經豐城劍池

西遊咸陽中

觀釣

詠石

侍宴賦得夾池竹

雪裏梅花

五洲夜發

詠鶴

陳三

卷之一
百

徐陵

驄馬驅

中婦織流黃

出自薊北門行

隴頭水

折楊柳

關山月二首

洛陽道二首

長安道

梅花落

紫驕馬

劉生

烏棲曲二首

雜曲

長相思二首

同江詹事登宮城南樓

走筆戲書應令
春情

奉和詠舞

和簡文帝賽漢高帝

廟

山齋

詠枰

待宴

奉和山池

山池應令

別毛永嘉

秋日別庾正負

新亭送別應令

和王舍人送客未還

閨中有望

為羊交州家人答餉

鏡

詠織婦

內園逐涼

鬪鷄

詠日華

詠雪

春日

奉和簡文帝山齋

陳四

卷之一
百一

沈炯

長安少年行

獨酌謠

從駕送軍

望郢州城

長安還至方山愴然自傷

離合詩贈江藻

建除詩

六府詩

八音詩

六甲詩

十二屬詩

從遊天中寺應令

同庾中庶肩吾周處士弘讓遊明慶寺

名都一何綺
為我彈鳴琴

賦得邊馬有歸心
詠老馬

和蔡黃門口字詠絕句

孔奐

賦得名都一何綺

孔魚

和六府

周弘正

答林法師

學中早起聽講

還草堂尋處士弟
入武關

和庾肩吾入道館
看新婚

名都一何綺
詠石鯨應詔

詠老敗鬪鷄
隴頭送征客

詠歌人偏得日照
劉孝綽和

詠班竹掩團扇

於長安詠鴈

周弘讓

留贈山中隱士

春夜醮五岳圖文

賦得長笛吐清氣

立秋

周弘直

賦得荆軻

陸瓊

關山月

梁甫吟

還臺樂

長相思

和張湖熟電詩

玄圃宴各詠一物得

箏

陸瑜

仙人覽六著篇

東飛伯勞歌

獨酌謠

陸玠

賦得雜言詠栗

陳五

卷之一
百二

張正見

釣竿篇

度關山

晨鷄高樹鳴

採桑

艷歌行

從軍行

三婦艷詩

置酒高殿上

門有車馬客行

白頭吟

怨詩

應龍篇

輕薄篇

帝王所居篇

朱鷺

上之回

戰城南

君馬黃二首

芳樹

有所思

雉子班

臨高臺

隴頭水二首

折楊柳

關山月

洛陽道

梅花落

紫驪馬

雨雪曲

劉生

公無渡河

對酒

銅雀臺

長安有狹斜行

飲馬長城窟

泛舟橫大江

煌煌京洛行

明君詞

神仙篇二首

前有一罇酒行

陳六

卷之一
百三

張正見 二

御幸樂遊苑侍宴

重陽殿成金石會竟

上詩

征虜亭送新安王應

令

從籍田應衡陽王教作

從永陽王遊虎丘山

陪衡陽王遊耆闍寺

與錢玄智汎舟

遊匡山簡寂館

和諸葛覽從軍游獵

山家閨怨

和陽侯送袁金紫葬

傷韋侍讀

後湖泛舟

遊龍首城

別韋諒賦得江湖汎

別舟

星名從軍詩

賦得韓信

行經季子廟

賦得落落窮巷士

賦得日中市朝滿

賦得題新雲

賦得白雲臨酒

詠雪應衡陽王教

賦得雪映夜舟

薄帷鑒明月

玄圃觀春雪

秋河曙耿耿

浦峽村煙度

和衡陽王秋夜

賦得山卦名

初春賦得池應教

賦得垂柳映斜谿

賦得岸花臨水發

賦得風生翠竹裏應

教

賦得山中翠竹

賦得梅林輕雨應教

賦新題得蘭生野徑

賦得威鳳棲梧

賦得魚躍水花生

賦新題得寒樹晚蟬踈

賦得秋蟬鳴柳應衡陽王教

秋日別庾正員

賦得佳期竟不歸

賦得堦前嫩竹

陳七

卷之一
百四

江總

雉子班

隴頭水二首

折楊柳

關山月

洛陽道二首

長安道

梅花落二首

紫驪馬

驄馬驅

雨雪曲

劉生

婦病行

置酒高殿上

今日樂相樂

簫史曲

詠燕燕于飛應詔

濟黃河

橫吹曲

怨詩二首

烏棲曲

芳樹

東飛伯勞歌

雜曲三首

梅花落

宛轉歌

長相思二首

陳八

卷之一
百五

江總

秋日侍宴婁苑湖應詔

侍宴玄武觀

宴樂修堂應令

三日侍宴宣遊堂曲水

秋日遊昆明池

秋日登廣州城南樓

贈洗馬袁朗別

詒孔中丞奩

贈賀左丞蕭舍人

遇長安使寄裴尚書

別南海賓化侯

庚寅年二月十二日遊虎丘山精舍

入龍丘巖精舍

明慶寺

入攝山栖霞寺

遊攝山栖霞寺

攝山栖霞寺山房夜坐簡徐祭酒周尚書

并同遊群彦

徐孝克和

靜臥栖霞寺房望徐祭酒

徐孝克和

營涅槃懺還塗作

至德二年十一月十二日升德施山齋三

宿決定罪福懺悔詩

南越木槿歌

詠採甘露應詔

借劉太常說文

賦得一日成三賦應

令

攝官梁小廟

卞山楚廟

山庭春日

七夕

南還尋草市宅

和張記室源傷往

在陳旦解醒共哭顧

舍人

侍宴臨芳殿

侍宴瑤泉殿

別袁昌州二首

經始興廣果寺題愷法師山房

和衡陽殿下高樓看妓

賦得空閨怨

并州羊腸坂

歲暮還宅

春夜山庭

夏日還山庭

賦得謁帝承明廬

賦得携手上河梁應詔

賦得汎汎水中鳧
賦得三五明月滿

衡州九日

賦詠得琴

詠雙闕

三善殿夜望山燈

奉和東宮經故妃舊殿

同庾信答林法師
詠李

詠蟬

答王筠早朝守建陽

門開

侍宴賦得起坐彈鳴琴

別永新侯

春日

於長安歸還揚州九月九日行薇山亭賦

韻

哭魯廣達

秋日新寵美人應令

新入姬人應令

閨怨篇二首

內殿賦新詩

姬人怨

姬人怨服散篇

陳九卷之一
百六

顧野王

羅敷行

芳樹

有所思

隴頭水

長安道

陽春歌

艷歌行三首

傳緯

採桑

天馬引

雜曲

褚玠

鬪鷄東郊道

岑之敬

折楊柳

洛陽道

對酒

烏棲曲

當壚曲

徐伯陽

日出東南隅行

遊鍾山開善寺

蔡凝

賦得處處春雲生

蔡君知

君馬黃

阮卓

關山月

長安道

詠魯仲連

賦得風

賦得蓮下游魚

賦得黃鵠一遠別

陳昭

昭君詞

聘齊經孟嘗君墓

陳暄

洛陽道

長安道

紫驪馬

雨雪曲

祖孫登

紫驪馬

宮殿名登高臺詩

賦得司馬相如

詠風

詠水

詠柳

賦得涉江採芙蓉一蓮調

詠城塹中荷

劉剛

泛宮亭湖

賦得蘇武

採藥遊名山

侯司空宅詠妓

賦松上輕蘿

賦得馬

賦得獨鶴凌雲去

詠青草

詠蟬

謝燮

隴頭水

雨雪曲

明月子

方諸曲

早梅

蕭詮

巫山高

賦得往往孤山映

詠街泥雙燕

賦得夜猿啼

賦得婀娜當軒織

賀徹

採桑

賦得長笛吐清氣

賦得爲我彈鳴琴

賀循

賦得夾池修竹

賦得庭中有奇樹

李爽

賦得芳樹

山家聞怨

蕭賁

長安道

何胥

被使出關

賦得待詔金馬門

傷章公大將軍

哭陳昭

孔範

賦得白雲抱幽石

和陳王詠鏡

王瑳

折楊柳

洛陽道

長相思

潘徽

贈北使

韋鼎

長安聽百舌

徐德言

破鏡詩

樂昌公主

餞別自解

陳十

卷之一
百七

張君祖

詠懷三首

贈沙門竺法穎三首

道樹經讚

三昧經讚

答庾僧淵

庾僧淵

代答張君祖

又答

何處士

春日從將軍遊山寺

別才法師於湘還郢北

敬訓解法師所贈 通士人篇

蘇子卿

朱鷺

艾如張

梅花落

紫驪馬

南征

陽縉

賦得荆軻

照帙秋螢

俠客控絕影

陽慎

從駕祀麓山廟

賀力拔

關山月

亂後別蘇州人

伏知道

從軍五更轉五首

詠人娉妾仍逐琴心

賦得招隱

毛處約

雉子班

陸系

言系
目録
有所思

獨孤嗣宗

手紫驪馬

李燮

紫驪馬

江暉

劉生

雨雪曲

何楫

班婕妤怨

蕭淳

長相思

孔仲智

羈謠

蕭有

射雉

徐湛

賦得班去趙姬升

吳尚野

詠隣女樓上彈琴

吳思玄

閨怨

殷謀

日出東南隅行

賈馮吉

自君之出矣

何曼才

爲徐陵傷妾

許倪

破扇

蕭麟

詠柏複

蕭琳

隔壁聽妓

陳叔達

詠空鏡臺

釋惠標

詠山三首

詠水

詠孤石

贈陳寶應

曇瑗

遊故苑

釋洪偃

遊故苑

登吳昇平亭

遊鍾山之開善定林息心宴坐引筆賦詩

釋智愷

臨終詩

高麗定法師

詠孤石

陳少女

寄夫

郊廟歌辭

無名氏

陳太廟舞辭七首

凱容舞

凱容舞

凱容舞

凱容舞

凱容舞

景德凱容舞

武德舞

雜歌謠辭

齊雲觀歌

江東謠

陳初童謠

又

張種歌

二賀謠

詩紀目錄終

詩紀卷之九十八

北海馮惟訥彙編

陳一

後主

諱叔寶字元秀宣帝子即位之後荒于酒色不恤政事而盛修宮室刑罰酷濫隋文帝命將南征兵敗入隋見宥給賜甚厚仁壽四年終於洛陽

樂府

採桑

以下五言

春樓髻梳罷南陌競相隨去後花叢散風來香處移廣袖承朝日長鬟礙聚枝柯新攀易斷葉嫩摘

前萎採蘩鉤手弱微汗雜粧垂不應歸獨早堪爲
使君知

日出東南隅行

重輪上瑞暉西北照南威南威年二八開牖敞重
闈當壚送客去上苑逐春歸髻下珠勝月牕前雲
帶衣紅裙結未解綠綺自難徽

三婦艷詞十一首

大婦避秋風中婦夜床空小婦初兩髻含嬌新臉
紅得意非霰日可憐那可同

大婦西北樓中婦南陌頭小婦初粧點回眉對月
鉤可憐還自覺人看反更羞

大婦主

一作美

縑機中婦裁春衣小婦新粧冶拂匣

動琴徽長夜理清曲餘嬌且未歸

大婦如蛾眉中婦逐春時小婦最年少相望捲羅
幃羅幃夜寒卷相望人來遲

大婦上高樓中婦蕩蓮舟小婦獨無事撥帳掩嬌
羞丈夫應自解更深難道留

大婦初調箏中婦飲歌聲小婦春妝罷美月當宵

言系 卷之一
楹季子時將意相看不用爭

大婦愛恒偏中婦意常堅小婦獨嬌笑新來華燭
前新來誠可惑爲許得新憐

大婦酌金杯中婦照粧臺小婦偏妖冶下砌折新
梅衆中何假問人今最後來

大婦怨空閨中婦夜偷啼小婦獨含笑正柱作烏
棲河低帳未掩夜夜畫眉齊

大婦正當壚中婦裁羅襦小婦獨無事淇上待吳
姝鳥歸花復落欲去却踟躕

大婦年十五中婦當春戶小婦正橫陳含嬌情未
吐所愁曉漏促不恨燈銷炷

飛來雙白鶴

朔吹已蕭瑟愁雲屢合開玄冬辛苦地白鶴從風
催音響已清切毛羽復殘摧飛來進

但爲失

雙回儻逢 噲德當共銜珠來

採蓮曲

相催暗中起妝前日已光隨宜巧注口薄落點花
黃風住疑衫密舩小畏裾長波文散動檝菱花拂

度航低荷亂翠影采袖新蓮香歸時會被喚且試
入蘭房

昭君怨

圖形漢宮裏遙聘單于庭狼山聚雲暗龍沙飛雪
輕笳吟度隴咽笛轉出關鳴啼妝寒葉下愁眉塞
月生只餘馬上曲猶作別時聲

朱鷺

參差蒲未齊沉樣若浮綠朱鷺戲蘋藻徘徊流澗
曲澗曲多巖樹逶迤復斷續振振雖以明湯湯今

又矚

巫山高

巫山巫峽深峭壁聳春林風巖朝蕊落霧嶺晚猿
吟雲來足蘼枕雨過非感琴仙姬將夜月度影自
浮沉

有所思三首

選詩拾遺
作望遠

蕩子好蘭期留人獨自思落花同淚臉初月似愁
眉階前看草蔓牕中對網絲不言千里別
一作復
是三春時

言九
卷之一
四
杳杳與人期遙遙有所思山川千里間風月兩邊
時相對春那劇相望景偏遲當由分別久夢來還
自疑
佳人在北燕相望渭橋邊團團落日樹耿耿曙河
天愁多明月下淚盡鴈行前別心不可寄惟餘琴
上絃

巫山巫雉子班

四野秋原暗十步啄方前雉聲風處遠翅影雲間
連箭射妖姬笑裘值盛明然已足南皮賞復會北

宮篇

臨高臺

晚景登高臺迴望春光來霧濃山後暗日落雲傍
開烟裏看鴻小風來望葉回臨牕已響吹極眺且
傾杯

隴頭

隴頭征戍客寒多不識春驚風起嘶馬苦霧雜飛
塵投錢積石水斂轡交河津四面夕冰合萬里望
佳人

隴頭水二首

塞外飛蓬征隴頭流水鳴漠處揚沙暗波中燥葉
輕地風冰易厚寒深溜轉清登山一回顧幽咽動
邊情

高隴多悲風寒聲起夜叢禽飛暗識路鳥轉逐征
蓬落葉時驚沫移沙屢擁空回頭不見望流水玉
門東

折楊柳二首

楊柳動春情倡園妾屢驚入樓含粉色依風雜管

聲武昌識新種官渡有殘生還將出塞曲仍共

玉臺

作仍
作胡笳鳴

長條黃復綠垂絲密且繁花落幽人徑步隱將軍
屯谷暗宵鉦響風高夜笛喧聊持暫攀折空足憶
中園

關山月二首

秋月上中天迥

一作迴

照關城前暈缺隨灰減光滿

應珠圓帶樹還添桂銜峰乍似弦復教征戍客長
怨久連翩

言系
卷之一
六
戊邊歲月久恒悲望舒耀城遙接暈高澗風連影
搖寒光帶岫徙冷色含山峭看時使人憶爲似嬌
娥照

洛陽道五首

誼譁照邑里遨遊出洛京霜枝嫩柳發水塹薄苔
生停鞭回去影駐軸敞前薨臺上經相識城下屢
逢迎踟躕還借問只重未知名

日光朝杲杲照耀東京道霧帶城樓開啼侵曙色
早佳麗嬌南陌香氣含風好自憐釵上纓不歎河

邊草

建都開洛汭中地乃城陽縱橫肆八達左右闢康
莊銅溝飛柳絮金谷落花光忘情伊水側稅駕河
橋傍

百尺瞰金埒九衢通玉堂柳花塵裏暗槐色露中
光游俠幽并客當壚京兆妝向夕風烟晚金羈滿
洛陽

青槐夾馳道御水映銅溝遠望凌霄闕遙看井榦
樓黃金彈俠少朱輪盛徹侯桃花雜渡馬紛披聚

陌頭

長安道

建章通未央長樂屬明光大道移甲第甲第玉爲
堂遊蕩新豐裏戲馬渭橋傍當壚晚留客夜夜苦
紅粧

梅花落二首

春砌落芳梅飄零上鳳臺拂妝疑粉散逐溜似萍
開映日花光動迎風香氣來佳人早插髻試立且
徘徊

楊柳春樓邊車馬飛風烟連娉烏孫伎屬客單于
氈鴈聲不見書蠶絲欲斷弦欲持塞上葢試立將
軍前

紫騮馬二首

嫋姚紫塞歸蹀躞紅塵飛玉珂鳴廣路金絡耀晨
輝葢轉時移影香動屢驚衣禁門猶未閉連騎恣
相追

一作莫相違

蹀躞紫騮馬照耀白銀鞍直去黃龍外斜趨玄菟
端垂鞬還細柳揚塵歸上蘭紅臉桃花色客別重

羞看

雨雪曲

長城飛雪下邊關地籟吟濛濛九天暗霏霏千里
深樹冷月恒少山霧日偏沉沉况聽南歸鴈切思胡
笳音

劉生

遊俠長安中置驛過新豐擊鐘蒲壁磬鳴弦楊葉
弓孟公正驚客朱家始賣僮羞作荆卿笑捧劔出
遼東

飲馬長城窟行

征馬入他鄉山花此夜光離羣嘶向影因風屢動
香月色合城暗秋聲襍塞長何以酬天一作子馬君
革報疆場

楊叛兒曲

拾遺作隋越王京洛行

青春上陽月結伴戲京華龍媒玉珂馬鳳軫繡香
車水映臨橋樹風吹夾路花日昏歡宴罷相將歸
狹斜

舞媚娘三首

樓上多嬌艷當牕併三五爭美遊春陌相邀開繡
戶轉態結紅裙含嬌拾翠羽留賓乍拂絃託意時
移柱

淇水變新臺春壚當夏開玉面含羞出金鞍排夜
來

春日好一作多風光尋觀向市傍轉身移佩響牽袖

起衣香

估客樂

三江結儔侶萬里不辭遙恒隨鷁首舫屢逐雞鳴

潮

三洲歌

春江聊一望細草遍長洲沙汀時起伏畫舸屢淹
留

前有一樽酒行

殿高絲吹滿日落綺羅鮮莫論朝漏促傾卮待夕
筵

自君之出矣六首

自君之出矣霜暉當夜明思君若風影來去不曾

停

自君之出矣房空帷帳輕思君如晝燭懷心不見

明

自君之出矣不分道無情思君若寒草零落故心

生

自君之出矣塵網暗羅帷思君如落日無有暫還

時

自君之出矣綠草遍堦生思君如夜燭垂淚著雞

鳴

自君之出矣愁顏難復覩思君如藥條夜夜只交

苦

玉樹後庭花

以下
七言

隋書樂志曰陳後主於清樂中造黃驪
留及玉樹後庭花金釵兩鬢垂等曲與
幸臣等製其歌詞綺艷相高極
於輕蕩男女唱和其音甚哀

麗宇芳林對高閣新粧艷質本傾城映戶凝嬌乍
不進出帷含態笑相迎妖姬臉似花含露玉樹流
光照後庭

烏棲曲三首

陌頭新花歷亂生葉裏啼鳥送春情長安遊俠無
數伴白馬驪珂路中滿

金鞍向暝欲相連玉面俱要來帳前含態眼語懸
相解音蟹翠帶羅裙入爲解

合歡襦薰百和香牀中被織兩鴛鴦烏啼漢沒天
應曙只持懷抱送郎去

東飛伯勞歌

池側鴛鴦春日鶯綠珠絳樹相逢迎誰家佳麗過
淇上翠釵綺袖波中漾雕軒繡戶花恒發珠簾玉

砌移明月年時二七猶未笄轉顧流盼鬢髻低風

飛盡落將一作時何故可惜可憐空擲度

長相思二首

以下
襍言

長相思久相憶關山征戍何時極望風雲絕音息
上林書不歸迴文徒自織羞將別後面還似初相
識

長相思怨成悲蝶縈草樹連絲庭花飄散飛入帷

帷中看隻影對鏡歛雙眉兩見同見玉臺作望月兩別

共春時

古曲

桂鉤影桂枝開紫綺袖逐風迴日明珠色偏亮葉
盡衫香更來

獨酌謠四首

序曰齊人淳于髡善爲十酒偶效之作獨酌謠
獨酌謠獨酌且獨謠一酌豈陶暑二酌斷風飈三
酌意不暢四酌情無聊五酌孟易覆六酌懽欲調
七酌累心去八酌高志超九酌忘物我十酌忽凌
霄凌霄異羽翼任致得飄飄寧學世人醉揚波去
我遙爾非浮丘伯安見王子喬

獨酌謠獨酌起中宵中宵照春月初花發春朝春
花春月正徘徊一尊一弦當夜開聊奏孫登曲仍
斟畢卓杯羅綺徒紛亂金翠轉遲回中心本如水
凝志更同灰逍遙自可樂世語世情哉

獨酌謠獨酌酒難消獨酌三兩盃弄曲兩三調調
弦忽未畢忽值出房朝更似遊春苑還如逢麗譙
衣香逐嬌去眼語送杯嬌餘罇盡復益自得是逍
遙

獨酌謠獨酌一尊酒尊酒傾未酌明月正當牖是
牖非圓甕吾樂非擊缶自任物外懽更齊椿菌久
卷舒乃一卷忘情且十斗寧復語綺羅因情卽山
藪

詩

同江僕射遊攝山棲霞寺

以下五言

時宰礚溪心非關狎竹林鷲嶽青松繞雞峯白日
沉天迴浮雲細山空明月深摧殘枯樹影零落古
藤陰霜村一作月夜鳥去風路一作露寒猿吟自悲堪

出俗詎是欲

願一作抽簪

同平南弟元日思歸

至德掩羲黃成功邁禹湯儀刑元四海來庭盛萬
方鳴玉觀升降擊石乃鏗鏘三春氣色早九疑烟
霧長浮雲斷更續輕花落復香北宮瞻遠岫南服
阻遙江爾言想伊洛我思屬瀟湘

立春日汎舟玄圃各賦一字六韻成篇

座有張式陸瓊顧野王謝仲褚琢王綏
傳緯陸瑜姚察等九人上○巴下十六
首並見歲時雜詠

春光反禁苑曉日暖源桃霄烟近漠漠暗浪遠滔
滔石苔侵綠蘚岸草發青袍迴歌逐轉檝浮冰隨
度刀遙看柳色嫩迴望鳥飛高自得欣爲樂忘意
若臨濠

獻歲立春風具美汎舟玄圃各賦六韻

座有張式陸瓊顧野王殷
謀陸孫岑之敬等六人上

寒輕條已翠春初未轉禽野雪明巖曲山花照迴
林苔色隨水溜樹影帶風沉沙長見水落歌遙覺
浦深餘輝斜四戶流風颺八音既此留連席道欣

放曠心

上巳宴麗暉殿各賦一字十韻

芳景滿闌牕暄光生遠阜更以登臨趣還勝祓禊
酒日照源上桃風搖城外柳斷雲仍合霧輕霞時
映牖遠樹帶山高嬌鶯合響偶一峯遙落日數花
飛映綬度鳥或遛檐飄絲屢薄藪言志遞爲樂置
觴方薦壽文學且迺筵羅綺令陳後干戈幸勿用
寧須勞馬首

上巳玄圃宣猷堂禊飲同共八韻

綺殿三春晚玉燭四時平藤交近浦暗花照遠林
明百戲堦庭滿八音弦調清鶯喧襍管韻鐘響帶
風生山高雲氣積水急溜杯輕簪纓今盛此俊又
本多名帶才盡壯思文采發雕英樂是西園日歡
茲南館情

春色禊辰盡當曲宴各賦十韻

餘春尚芳菲中園飛桃李是時乃季月茲日叶上
已既有遊伊洛可以禊溱洧得性足爲娛高堂聊
復擬高堂亦有趣圖續此芳軌棲遁稱式驂善政
日馴雉蘭桂觀往轍簪裾躡前趾啼禽靜或喧花
落低還起水霧遙混襍山雲遠相似坐客聽一言
隨吾祛俗鄙

禊禊汎舟春日玄圃各賦七韻

園林多趣賞禊禊樂還尋春池已渺漫高枝自從
森日裏絲光動水中花色沉安流淺易榜峭壁迴
難臨野鶯添管響深岫接鏡音山遠風烟麗苔輕
激浪侵置酒來英雅嘉賢良所欽

上巳玄圃宣猷嘉辰禊酌各賦六韻以次

成篇

座有張式陸瓊顧野王
陸琢岑之敬等五人上

園開簪帶合亭迴春芳過鶯度遊絲斷風駛落花
多峯幽來鳥嘯洲橫擁浪波歌聲初出牖舞影乍
侵柯面玉同釵玉衣羅異草蘿既悅弦筒暢復歡
文酒和

七夕宴宣猷堂各賦一韻詠五物自足為
十并牛女一首五韻物次第用得帳屏
風案唾壺履

座有陸瓊傅緯陸
瑜姚察等四人

錦作明玳牀黼垂光粉壁帶日芙蓉照因吹芳芬
拆帳

織成如績采琉璃畏風擊秦宮得絕超漢座殊斑
敵屏風

已羅七俎滿兼逢百品易張陳答贈言梁室齊眉
席案

蘊仙此還異掌漏翻非役侍臣乃執捧良賓乃投
擲唾壺

賢舍觀穴踵瓜田覩躡迹矩步今有儀用此前嘉
客履

七夕宴重詠牛女各爲五韻

座有劉耽安遠侯方華張

式陸瓊顧野王褚玠謝仲周燮傳
緯陸瑜柳莊王瑳等十三人上

明月照高臺仙駕忽徘徊雷徒聞車度霞上見妝
開房移看動馬斗轉望斟杯靨色隨星去髻影襍
雲來更覺今宵短只遽日輪催

同管記陸琛七夕五韻

亭亭秋月明團團夕露輕鳳駕今時度霓騎此宵

迎疏上采霞動粉外白雲生故嬌隔分別新歡起
舊情含笑不終夜香風空自停

七夕宴樂修殿各賦六韻

座有張式陸瓊褚玠王瓊傳緯

陸瑜姚察
七人上

秋初芰荷殿寶帳芙蓉開玉笛隨弦上金鈿逐照
迴釵光搖玳瑁柱色輕玫瑰笑靨人前歛衣香動
處來非同七襄駕詎隔一春梅神仙定不及寧用
流霞杯

七夕宴玄圃各賦五韻

座有顧野王陸
瑒姚察等四人

言終 卷之一
殿深炎氣少日落夜風清月小看針暗雲開見縷
明絲調聽魚出吹響間蟬聲度更銀燭盡陶暑玉
卮盈星津雖可望詎得似人情

五言同管記陸瑜九日觀馬射

晴朝麗早霜秋景照堂皇
榦慘風威切荷彫池望
荒樓高看鴈下葉散覺山涼
歇霧含空翠新花濕
露黃飛禽接旆影度日轉
鉞光連翻北幽騎馳射
西園傍勒移碼碯色鞭起
珊瑚揚已同過隙遠更
異良弓藏且觀千里汗仍
瞻百步揚非爲從逸賞

方追塞外羌

五言畫堂良夜履長在節歌管賦詩迺筵

命酒十韻成篇

得沓合答襍納
颯匣飲拉閣

季冬初陽始寒氣尚蕭颯原葉或委低岫雲時吐
欲雕樹乍疎迥遠峯自重沓雲興四山靈風動萬
籟答肅肅凝霜下峩峩層冰合複殿可以娛於茲
多延納迢迢百尺觀杳杳三休閣前後訓導屏左
右文衛匝進退簪纓移縱橫壯思襍幸矣天地泰
當無范睢拉

同管記陸瑜七夕四韻 陸瑜王瓊等
二人上和

河漢言清淺相望限烟霄雲生劒氣沒槎還客宿
遙月上仍為鏡星連可作橋唯當有今夕一夜不
迢迢

初伏七夕已覺微涼既引應徐且命燕趙

清風朗月以望七襄之駕置酒陳樂各

賦四韻之篇 座有張式陸瓊顧野王
傅緯陸玠等五人上

廣席多才俊重合引珠妍管絃檐外響羅綺樹中
鮮舉針還向月上儂復依筵度河將殿相看併

是仙

晚宴文思殿

晚日落餘暉宵園翠蓋飛荷影侵池浪雲色入山
扉螢光息復起暗鳥去翻歸樂極未言醉杯深猶
恨稀

宴光璧殿詠遙山燈

照耀浮輝明飄颻落燼輕枝多含樹影烟上帶珮
生雜桂還如月依柳更疑星園中鶴采麗池上鳧
飛驚

言
卷之一
三善殿夕望山燈

重岫多風烟華燈此岫邊
涸浦如珠露彫樹似花
鈿依樓雜度月帶石影開蓮
既有常滿照羞與曉
星連

入隋侍宴應詔

南史曰後主從隋文帝東巡登芒山賦詩

日月光天德山河壯帝居
太平無以報願上東封

一作書
萬年

幸玄武湖餞吳興太守任惠

寒雲輕重色秋水去來波
待我戎衣定然送大風

歌

宴詹事陸繕省

禁闥九重中宴賞三春日
雲收上樹隱葉長宮槐
密水綠已浮苔花舒正含實

闕

聽箏

雜言○出
詩話補遺

文牕玳瑁影嬋娟香帷翡翠出
神仙促柱點唇鶯
欲語調弦繫爪鴈相連秦聲本自楊家解吳歛那
知謝傳憐秣愁芳夜促蘭膏無那煎

附錄

按小說家所載後主煬帝諸詩辭多不類其為後人依託無疑今別附於此以備省覽云爾

隋渠詩

海山記曰隋煬帝夕泛舟北海忽見水上有小舟至乃陳後主也帝起迎之後主曰聞陛下開隋渠引洪河之水東遊維揚因作詩以奏

隋室開茲水初心謀大賒一千里力役百萬民吁

嗟水殿不復返龍舟成小瑕溢流隨陡岸濁浪噴

黃沙兩人迎客至三月柳飛花日脚沉雲外榆梢

噪暝鴉如今遊子俗異日便天家且樂人間景休

尋海上槎人喧舟艤岸風細錦帆斜莫言無後利

千古壯京華

小牕詩

顏師古隋遺錄曰煬帝昏酒嘗游吳公宅雞臺忽與陳後主相遇後主復詩十數篇帝止記小牕及寄侍兒碧玉詩

午醉醒來晚無人夢自驚夕陽如有意偏傍小牕

明

寄碧玉詩

離別腸應斷相思骨合銷愁魂若飛散憑仗一相

招

戲贈沈后

平陳錄曰沈后者望蔡侯君理女也以張貴妃權寵動經半年不得御陳主當御沈后處暫入即還謂后曰何不見留贈詩云云后答云云○亦見朝野僉載

留人不留人不留人也去此處不留人自有留人處

答後主

附

沈后

誰言不相憶見罷倒

一作便

成羞情知不肯住教遣

一作我若為留

詩紀卷之六十八 終

詩紀卷之九十九

陳二

陰鏗

字子堅武威人五歲能誦詩賦日千言尤善五言詩為當時所重仕梁為湘東王法

曹行參軍陳天嘉中為始興王中錄事參軍累遷晉陵太守員外散騎常侍卒

新城安樂宮

歷代吟譜曰鏗賦新成安樂宮援筆便就

新宮實壯哉雲裏望樓臺迢遞翔鴟仰連翩賀燕

來重欄寒霧宿丹井夏

一作夜

蓮開砌石披新錦梁

花畫早梅欲知安樂盛歌管襍塵埃

班婕妤怨

言終
卷之二
栢梁新寵盛長信昔恩傾誰謂詩書巧翻爲歌舞
輕花月分牕進苔草共堦生接淚衫前滿單暝一作
眠夢裏驚可惜逢秋扇何用合歡名

蜀道難

王尊奉漢朝靈關不憚遙高岷長有雪陰棧屢經
燒輪摧九折路騎阻七星橋蜀道難如此功名詎
可要

和登百花亭懷荆楚

江陵一柱觀潯陽千里潮風煙望似接川路恨成
遙落花輕未下飛絲斷易飄藤長還依格荷生不
避橋陽臺可憶處唯有暮將朝

奉送始興王

良守別承明枉道暫逢迎去帆收錦紵一作歸騎
指蘭城紛糺連山暗潺湲派水清桂晚花方白蓮
秋葉始輕背飛傷客念臨岐憫聖情分風不得遠
何由送上征

廣陵岸送北使

行人引去節送客艤歸艫卽是觀濤處仍爲郊贈

言終
卷之二
衢汀洲浪已息邗江路不紆亭嘶背櫪馬檣轉向
風鳥海上春雲襍天際晚帆孤離舟對零雨別渚
望飛鳧定知能下淚非但一楊朱

江津送劉光祿不及

依然臨送渚長望倚河津鼓聲隨聽絕帆勢與雲
隣泊處空餘鳥離亭已散人林寒正下葉釣晚欲
收綸如何相背遠江漢與城闔

和傅郎歲暮還湘洲

蒼茫歲欲晚辛苦客方行大江靜猶浪扁舟獨且
征棠枯絳葉盡蘆凍白花輕戍人寒不望沙禽迥
未驚湘波各深淺空軫念歸情

渡青草湖

洞庭春溜滿平湖錦帆張沅水桃花色湘流杜若
香穴去茅山近江連巫峽長帶天澄迥碧映日動
浮光行舟逗遠樹度鳥息危檣滔滔不可測一葦
詎能航

渡岸橋

畫橋長且曲傍險復憑流寫虹晴尚飲圖星晝不

言終
卷之二
三
收跨波連斷岸接路上危樓欄高荷不及池清影
自浮何必橫南渡方復似牽牛

遊始興道館

紫臺高不極清谿千仞餘壇邊逢藥鉞洞裏閱仙
書庭舞經乘鶴池遊被控魚稍昏蕙葉斂欲暝
花疎徒教斧柯爛會自不凌虛

開善寺

鷲嶺春光遍王城野望通登臨情不極蕭散趣無
窮鶯隨入戶樹花逐下山風棟裏歸雲白牕外落
暉紅古石何年臥枯樹幾春空淹留昔未及幽桂
在芳叢

罷故章縣

秩滿三秋暮舟虛一水濱漫漫遵歸道淒淒對別
津晨風下散葉岐路起飛塵長岑舊知遠萊蕪本
自貧被裏恒容吏正朝不繫民惟當有一犢留持
贈後人

閒居對雨

四溟飛旦雨三逕絕來遊震位雷聲發離宮電影

浮山雲遙似帶庭葉近成舟茅簷下亂滴石竇引
環流寄言一高士如何麥不收

又

蘋藻降靈祇聰明諒在斯觸石朝雲起從星夜月
離八川奔巨壑萬頃溢澄陂綠野含膏潤青山帶
濯枝嘉禾方合穎秀麥已分歧寄語紛綸學持竿
詎必知

行經古墓

偃松將古墓年代理當深表柱應堪燭碑書欲有

金迥墳由路毀荒隧受田侵霏霏野霧合昏昏隴
日沉懸劔今何在風楊空自吟

和樊晉陵傷妾

畫梁朝日盡芳樹落花辭忽以千金笑長作九泉
悲鏡前塵劇粉機上網多絲戶餘雙入燕牀有一
空帷名香不可得何見返魂時

和侯司空登樓望鄉

懷土臨霞觀思歸想石門瞻雲望鳥道對柳憶家
園寒田穫裏靜野日燒中昏信美今何益傷心自

有源

田蘇莫精禮日幾中春美今何益則心自
對土竄登武昌岸望

遊人試歷覽舊跡已丘墟巴水縈非字楚山斷類

書荒城高仞落古柳細條疎煙蕪遂若此當不為

能居

昔來陳晚出新亭

大江一浩蕩離悲足幾重潮落猶如蓋雲昏不作

峯遠戍唯聞鼓寒山但見松九十方稱半歸途詎

有蹤

晚泊五洲

客行逢日暮結纜晚洲中戍樓因巖一作險村路

入江窮水隨雲度黑山帶日歸紅遙憐一柱觀欲

輕千里風

詠得神仙

羅浮銀是殿瀛洲玉作堂朝遊雲暫起夕餌菊恒

香聊持履成燕戲以石為羊洪厓與松子乘羽就

周王

遊巴陵空寺

言終
卷之二
日宮朝絕磬月殿夕無扉網交雙樹葉輪斷七燈
輝香盡奩猶馥幡塵畫漸微借問將何見風氣動
天衣

秋閨怨

獨眠雖已慣秋來只自愁火籠恒煖脚行障鎮
頭眉含黛俱歛啼將粉共流誰能無別恨唯守一
空樓

南征閨怨

湘水舊言深征客理難尋獨愁無處道長悲不自
禁逢人憎解珮從來懶聽音唯當有夜鵲南飛似
妾心

侯司空宅詠妓

劉刪
同賦

佳人遍綺席妙曲動鶻弦樓似陽臺上池如洛水
邊鶯啼歌扇後花落舞衫前翠柳將斜日俱照晚
粧鮮

經豐城劔池

清池自湛澹神劔久遷移無復連星氣空餘似月
池夾篠澄深淥含風結細漪唯有蓮花萼還想匣

中雌

西遊咸陽中

阮籍詠懷詩曰西遊咸陽中趙李相經過

上林春色滿咸陽遊俠多城斗疑連漢橋星象跨
河影裏看飛轂塵前聽遠珂還家何意晚無處不
經過

觀釣

澄江息晚浪釣侶柁輕舟絲垂遙濺水餌下暗通
流歌聲時斷續檝影乍橫浮寄言濯纓者滄浪終

滯游

詠石

天漢支機罷仙嶺博碁餘零陵舊是燕昆池本學
魚雲移蓮勢出苔駁錦紋疏還當穀城下別自解
兵書

侍宴賦得夾池竹

夾池一叢竹垂一作青翠不驚寒葉醞宜城酒皮裁

一作治薛縣冠湘川染別淚衡嶺拂仙壇欲見歲

色當來菟苑看一作欲見凌冬質當為雪中看

雪裏梅花

春近寒雖轉梅舒雪尚飄從風還共落照日不俱
消葉開隨足影花多助重條今來漸異昨向晚判
勝朝

五洲夜發

夜江霧裏濶新月迥中明溜船惟識火驚鳧但聽
聲勞者時歌榜愁人數問更

詠鶴

依池屢獨舞對影或孤鳴乍動軒墀步時轉入琴

詩紀卷之一百

陳三

徐陵

字季穆東海鄉人擣之子初為梁晉安王
參軍累遷至散騎常侍仕陳歷侍中安右
將軍光祿大夫太子少傅南徐州大中正建
昌縣開國侯氣局深遠清簡寡欲為一代文
宗

樂府

驄馬驅

以下
五言

白馬號龍駒彫鞍名鏤渠

一作
衢

諸兄二千石小婦

字羅敷倚端輕掃史

一作
吏

召募擊休屠塞外多風

雪城中絕詔書空憶長楸下連蹠復連蹠

中婦織流黃

落花還一作飛井上春機當戶前帶衫行障口覓釧

枕檀一作入壇邊數鐻經無亂新漿緯易牽蜘蛛夜伴

織百舌曉驚眠封用黎陽土書因計吏船欲知夫

壻處今督水衡錢

出自薊北門行

薊北聊長望黃昏心獨愁燕山一作然對古刹代郡

隱一作倚城樓屢戰橋恒斷長冰塹不流天雲如地

陣漢月帶胡秋漬土泥函谷接繩縛涼州平生燕

頷相會自得封侯

隴頭水

別塗聳千仞離川懸百丈攢荆夏不通積雪冬難

上枝交隴底暗石礙波前響迴首咸陽中唯言夢

時往

折楊柳

嫋嫋河堤樹一作柳依依魏王營江陵有舊曲洛下

作新聲妾對長楊苑君登高柳城春還應共見蕩

子太無情

關山月二首

關山三五月客子憶秦川
思婦高樓上當牕應未
眠星旗映疎勒雲陣上
祁連戰氣今如此從軍復
幾年

月出柳城東微雲掩復通
蒼茫縈白暈蕭瑟帶長
風羗兵燒上郡胡騎獵
雲中將軍擁節起戰士
夜鳴弓

洛陽道二首

綠柳三春暗紅塵百戲多
東門向金馬南陌接銅
駝華軒翼葆吹飛蓋響
鳴珂潘郎車欲滿無奈
擲花何

洛陽馳道上春日起塵埃
濯龍望如霧一作水河橋
渡似雷聞珂知馬蹠傍
憶見薨開相看不得語
密意眼中來

長安道

輦道乘雙闕豪雄被五都
橫橋象天漢法駕應坤
圖韓康賣良藥董偃鬻
明珠喧喧擁車騎非但
執

金吾

梅花落

對戶一株梅新花落故栽燕拾還蓮井風吹上鏡

臺娟家怨

一作愁

思妾樓上獨徘徊啼看竹葉錦簪

一作

罷未能栽

紫騮馬

玉鐙繡纏鬃金鞍錦覆幪風驚塵未起草淺埒猶

空角弓連

一作穿

兩兔珠彈落雙鴻日斜馳逐罷連

翩還上東

劉生

劉生殊倜儻任俠遍京華戚里驚鳴筑平陽吹怨

笳俗儒排左氏新室忌漢家高才被擯壓自古共

憐嗟

烏棲曲二首

七言

卓女紅妝期此夜胡姬沽酒誰論價風流荀令好

兒郎偏能傳粉復薰香

繡帳羅帷隱燈燭一夜千年猶不足唯憎無賴汝

南雞天河未落猶爭啼

傾城得意已無儔洞房連閣未消愁宮中本造鴛
鴦殿爲誰新起鳳凰樓綠黛紅顏兩相發千嬌百
念情無歌舞衫迴袖勝春風歌扇當牕似秋月碧
玉宮妓自翩妍絳樹新聲最可憐張星舊在天河
上從來張姓本連天二八年時不憂度旁邊得寵
誰相一作應如立春曆日自當新正月春幡底須故
流蘇錦帳挂香囊織成羅幌隱燈光只一作祇應私
將琥珀枕冥冥來上珊瑚牀

長相思二首

雜言

長相思望歸難傳聞奉詔戍臯蘭龍城遠鴈門寒
愁來瘦轉劇衣帶自然寬念君今不見誰爲抱腰
看
長相思好春節夢裏恒啼悲不洩帳中起牕前髻
柳絮飛還聚遊絲斷復結欲見洛陽花如君隴頭
雪

詩

同江詹事登宮城南樓

以下
五言

元良屬上德率土被中孚漢幄朝無怠周門夕復
趨桓經既受業賀拜且尊儒壯志諧風雅高文會
斗樞鏗鏘叶舞蹈炤爛等琨瑜溝水慙雄伯漳川
仰大巫鮑魚寧入俎釣鱉匪充厨叔譽恒詞屈防
年豈濫誅

走筆戲書應令

此日乍殷勤相嫌不如春今宵花燭淚非是夜迎
人舞席秋來卷歌筵無數塵曾經新代故那惡故
迎新片月窺花簾輕寒入錦巾秋來應瘦盡偏自

著腰身

春情

風光今日且動雪色故年殘薄夜迎新節當鑪却晚

寒奇

一作故

香分細霧

一作篆

石炭擣輕紈竹葉裁衣

帶梅花奠酒盤年芳袖裏出春色黛中安欲知迷
下蔡先將過上蘭

奉和詠梅

簡文有詠舞詩

十五屬平陽因來入建章主家能教舞城中巧畫
粧低鬟向綺席舉袖拂花黃燭送空迴

一作影衫

傳篋裏香當由好留客故作舞衣長

和簡文帝賽漢高帝廟

聲偶作徐摛詩彙作庾肩吾並誤

山宮類牛首漢寢若龍川玉盃無秋耐金燈滅夜
烟丹帷迫靈嶽紺席下羣仙堂虛沛筑響釵低戚
舞妍何殊后廟裏子建作華篇

山齋

桃源驚往客鶴嶠斷來賓復有風雲處蕭條無俗
人山寒微有雪石路本無塵竹徑蒙籠巧茅齋結
構新燒香披道記懸鏡厭山神砌水何年溜簷桐

幾度春雲霞一已絕寧辨漢將秦

詠柑

藝文初學並作徐陵詩劉孝綽集載此或誤收也

朱實挺江南苞品擅珍淑上林雜嘉樹江潭間脩
竹萬室擬封侯千株挺荆國綠葉萋以布素榮芬
且郁得陳終宴歡良垂雲雨育

侍宴

園林才有熱夏淺更勝春嫩竹猶含粉初荷未聚
塵承恩豫下席應阮獨何人

奉和山池

梁簡文有山池詩

羅浮無定所鬱鳥屢遷移不覺因風雨何時入後
池樓臺非一勢臨翫自多奇雲生對戶石叟挂入
欄枝

山池應令

畫舸圖仙獸飛艫挂采旂榜人事金漿釣女飾銀
鈎細萍時帶檝低荷乍入舟猿啼知谷晚蟬咽覺
山秋

別毛永嘉

英華作別
毛尚書

願子厲風規歸來振羽儀嗟余今老病此別空長

離白馬君來哭黃泉我詎知徒勞脫寶劍空掛隴
頭枝

秋日別庾正員

藝文作
張正見

征途愁轉旆連騎慘停鑣朔氣凌疎木江風送上
潮青雀離帆遠朱鳶別路遙唯有當秋月夜夜上
河橋

新亭送別應令

鳳吹臨伊水時駕出河梁野燎村田黑江秋岸荻
黃隔城聞上鼓迴舟隱去檣神襟慶一作憂遠別流

睇極清漳

和王舍人送客未還閨中有望

倡人歌吹罷對鏡覽紅顏拭粉留花稱除釵作小
鬟綺燈停不滅高扉掩未關良人在何處光唯見
月還

為牟兖州家人答餉鏡

信來贈寶鏡亭亭似團月鏡久自踰明人久情愈
歇取鏡掛空臺於今莫復開不見孤鸞鳥香魂何
處來

詠織婦

纖纖運玉指脉脉正蛾眉振躡開交縷停梭續斷
絲簷前初月照洞戶朱帷垂一作未垂帷弄機行掩淚
彌令織素遲

內園逐涼

昔有北山北今余一作來東海東納涼高樹下直坐
落花中狹徑長無跡茅齋本自空提琴就竹篠酌
酒勸梧桐

鬪雞

詩經 卷之三
季子聊爲戲陳王欲騁才花冠已衝力芥瓜復驚
媒鬪鳳羞衣錦雙鸞恥鏡 陳倉若有信爲覓寶
雞來

詠日華

朝暉爛曲池夕照滿西陂復有當晝景江上鑠光
儀時從高浪歇乍逐細波移一在雕梁上詎比扶
桑枝

詠雪

瓊林玄圃葉桂樹日南華豈若天庭瑞輕雪帶風

斜三農喜盈尺六出儻崇花明朝闕門外應見海
神車

春日

岸烟起暮色岸水帶斜暉逕狹橫枝度簾搖驚燕
飛落花承步履流澗寫行衣何殊九枝蓋薄暮洞
庭歸

奉和簡文帝山齋

架嶺承金闕飛橋對石梁竹密山齋冷荷開水殿
香山花臨舞席水影照歌牀

闕

徐孝克

陵之弟性至孝能談玄理尤精意佛教宣帝時爲國子祭酒陳亡入隋授國子

博士

仰同令君攝山棲霞寺山房夜坐六韻

戒壇青石路靈相紫金峯影盡皈依鶴餐迎守護
龍晨朝宣寶偈寒夜歛疎鐘雞蘭靜舍握仁智獨
從容五禪清慮表七覺蕩心封願言于此處携手
屢相逢

仰和令君

上宰明四空迴車八道中洞涼容麥氣巖光對月

宮香來詎經火花散不隨風澗松無異聒禪桂兩
分叢虛薄誠爲累何因偶會同暫此乖山北猶可
向墻東

詩紀卷之一百

終

詩紀卷之一百一

陳四

沈炯

字初明吳興武康人約之後有雋才仕梁為吳令侯景之亂景將宋子仙據吳興逼令掌書記及景東奔炯妻子皆為景害元帝立封原鄉侯領尚書左丞魏剋荆州被虜授儀同以母在東求歸陳武帝以為御史中丞文帝立加明威將軍

長安少年行

長安好少年驄馬鐵連錢陳王裝腦勒晉后鑄金

鞭步搖如飛燕寶劍

一作劍鐔

似舒蓮去來新市側邀

遊大道邊道邊一老翁顏鬢如衰蓬自言居

一作生

詩經 卷之四
漢世少小見豪雄五侯俱拜爵七貴各論功建章
通北闕複道度南宮太后居長樂天子出回中玉
輦迎飛燕金山賞鄧通一朝復一日忽見朝市空
扶桑無復海崑山倒向東少年何假問頽齡值福
終子孫冥滅盡鄉閭復不同淚盡眼方暗髀傷耳
自聾杖策尋遺老歌嘯詠悲翁遭隨各有遇非敢
訪童蒙

獨酌謠

雜言

獨酌謠獨酌獨長謠智者不我顧愚夫余未要不
愚復不智誰當余見招所以成獨酌一酌傾一瓢
生涯本漫漫神理暫超超再酌矜許史三酌傲松
喬頻煩四五酌不覺凌丹霄倏爾厭五鼎俄然賤
九韶彭殤無異塋夷跣可同朝龍蠖非不屈鵬鷄
但逍遙寄語號呶侶無乃太塵囂

從駕送軍

惟堯稱乃武軒后號神兵弔民資智勇治亂屬師
貞我君膺寶業歷駕視前英蒲海方無浪夷山未
有平星光下結旆劔氣上舒精雲開萬里徹日麗

百川明撫鼓山靈應詔蹕水祗驚

望郢州城

魂兮何處返非死復非仙坐柯如昨日石合

一作石合

未淹年歷陽頓成浦東海果為田空憶扶風詠誰

一作惟見峴山傳世變才良改時移民物遷悲哉孫

驃騎悠悠哭彼天

長安還至方山愴然自傷

秦軍坑趙卒遂有一人生雖還舊鄉里危心曾未

平淮源比桐栢方山似削成猶疑屯虜騎尚畏值

胡兵空村餘拱木廢邑有頽城舊識既已盡新知

皆異名百年三萬日處處此傷情

離合詩贈江藻

開門枕芳野井上發紅桃林中藤蔦秀木末風雲

高屋室何寥郭至士隱蓬蒿故知人外賞文酒易

陶陶友朋足諧晤又此盛詩騷朗月同携手良景

共含毫樂巴有妙術言是神仙曹百年肆偃仰一

理詎相勞

閑居有樂

建除詩

言終
卷之四
建章連鳳闕藹藹入雲烟除庭發槐柳冠劍似神
仙滿衢飛玉軼夾道躍金鞭平明塵霧合薄暮風
雲騫定交太學裏射策雲臺邊執事一朝謬朝市
忽崩遷破家徒狗國力弱不扶顛危機空履虎擊
惡豈如鷓成師鑿門去敗績累尸旋收魂不入斗
抱景問穹玄開顏何所說空憶平生前閉門窮巷
里靜掃詠歸田

六府詩

水廣南山暗杖策出蓬門火炬村前發林烟樹下

昏金花散黃葢蕙草葆芳蓀木蘭露漸落山芝風
屢翻土高行已冒抱甕憶中園穀城定若近當終
黃石言

八音詩

金屋貯阿嬌樓閣起迢迢石頭足年少大道跨河
橋絲桐無緩節羅綺自飄飄竹烟生薄晚花色亂
春朝匏瓜詎無匹神女嫁蘇韶土地多妍冶鄉里
足塵囂革年未相識聲論動風飈木桃堪底用寄
以答瓊瑤

六甲詩

甲拆開衆果萬物具敷榮乙飛上危幕雀乳出空
城丙魏舊勲業申韓事刑名丁翼陳詩罷公綏作
賦成戊巢花已秀滿塘草自生已乃忘懷客榮樂
尚關情庚庚聞鳥轉肅肅望鳧征辛酸多憫惻寂
寞少逢迎壬蒸懷太古覆妙佇無名癸已空施位
詎以召幽貞

十二屬詩

鼠迹生塵案牛羊暮下來虎嘯生當作坐空谷兔月

向牕開龍隰遠青翠蛇柳近徘徊馬蘭方遠摘羊

負始春裁當作栽猴栗羞芳果雞跣引清杯狗其懷

物外猪蠶宵悠哉

從遊天中寺應令

福界新開草名僧共下筵楊枝生拱樹錫杖呪飛
泉石座應朝講山龕擬夜禪當非舍衛國賣地取
金錢

同庾中庶肩吾周處士弘讓遊明慶寺

鷲嶺三層塔菴園一講堂馴鳥逐飯磬狎獸繞禪

詩經 卷之四
五
牀擿菊山無酒燃松夜有香幸得同高勝於此瑩
心王

名都一何綺

陸士衡擬古詩云名都一何綺城闕鬱盤桓

名都一何綺春日吐光輝高樓雲母扇複殿琉璃
扉昭儀同輦出高安連騎歸欲知天子貴千門應
紫微

爲我彈鳴琴

爲我彈鳴

玉臺作清

琴琴鳴傷我襟半死無人見入竈

始知音空爲貞女引誰達楚妃心雍門何假說落
淚自淫淫

賦得邊馬有歸心

王瓚詩朔風動秋草邊馬有歸心

窮秋邊馬肥向塞甚思歸連鑣渡蒲海束舌下金
微已卻魚麗陣將摧鶴翼圍彌憶長楸道金鞭一作
鞞背落暉

詠老馬

昔日從戎陣流汗幾東西一日馳千里三丈拔深

泥渡水頻傷骨翻霜屢損蹄勿言年齒暮尋途尚
不迷

和蔡黃門口字詠絕句

囂囂宮閣路靈靈谷口問誰知名器品語哩各崎

嶇

孔奐

字休文會稽山陰人初仕梁為尚書儀曹侍郎陳受禪累遷晉陵太守文帝即位徵

為御史中丞歷仕三朝皆以直道至德元年卒

賦得名都一何綺

京洛信名都佳麗擬蓬壺九華雕玳瑁百福上椒

塗黃金絡驤裏蓮花裝鹿盧咸言儀服盛無勝執

金吾

孔魚

仕陳為太子舍人隋兵既入太子深年十五閉閣而坐唯伯魚侍立戍士叩閣而入

深勞之

和六府

金門朱軌躅吾子盛簪裾木舌無時用萍流復在

余水鄉訪松石蘭澤侶樵漁火洲方可至地肺即

為居士牛自知止貞心達毀譽穀稼有時隙乘植

望白榆

詩已

卷之四

陳

七

周弘正

字思行汝南安成人仕梁累遷國子博士侯景亂元帝以為戶部尚書入陳位

特進宣帝時為尚書右僕射

答林法師

初學作江總題云同庾信答林法師

客行七十歲歲暮遠徂征寒雲結不解隴水凍無聲君看日近遠為忖長安城

學中早起聽講

聲偶作周弘直者非

詰朝叅下座閒步出重闈北堂月稍隱南枝鶴已飛早霜垂靄靄初霧上霏霏嚴唱雖罷柝高門尚掩扉既傷年緒促復嗟心事違平生愛山海宿昔

特精微未解輕身去唯應下第歸

還草堂尋處士第

四時易荏苒百齡倏將半故老多零落山僧盡凋散宿樹倒為查舊水侵成岸幽尋屬令弟依然歸舊館感物自多傷况乃春鶯亂

入武關

以下二首聲偶作周弘直

武關設地險遊客好遭迴將軍天上落童子棄繻來揮汗成雲雨車馬颺塵埃鷄鳴不可信未曉莫先開

和庾肩吾入道館

石橋有舊路靈室儼衆仙
菊潭溜餘水丹竈起殘烟
桃花經作實海水屢成田
逆愁歸舊里追問斧柯年

看新婚

莫愁年十五來聘子都家
婿顏如美玉婦色勝桃花
帶啼疑暮雨含笑似朝霞
暫却輕紈扇傾城判不賒

名都一何綺

聲偶作周弘直

名都宮觀綺金璧藻華瑤吹臺望鳩鵲舞殿接披香
繡轂遊丹水彫輦出平陽陸離徒照眼何解憂人傷

詠石鯨應詔

石鯨何壯麗獨在天池陰
騫鰭類橫海半出似浮深
吞航本無日吐浪亦難尋
聖帝遊靈沼能懷躍藻心

詠老敗鬪雞

少壯摧雄敵眇視生猜忌
一隨年月衰摧頽落毛

言終
卷之四
九
駛閒觀春光滿東郊草色異無復先鳴力空餘擅
場意

隴頭送征客

朝霜侵漢草流沙度隴飛一聞流水曲行住兩霑
衣

詠歌人偏得日照

斜光入丹扇的的最分明欲持照彫拱仍作繞梁
聲

和詠歌人偏得日照詩 劉孝綽

獨明花裏翠偏光粉上津屢將歌罷扇迴拂影
中塵

詠斑竹掩團扇

齊統將楚竹從來本相遠將申湘女悲宜並班姬
怨

於長安詠鴈 藝文作 庾信

南思洞庭水北想鴈門關稻梁俱可戀飛去復飛
還

周弘讓 弘正之弟始仕不得志隱居茅山晚仕
侯景為中書侍郎獲譏于世承聖初為

國子祭酒陳天
嘉中領太常卿

留贈山中隱士

藝文類聚題
云無名詩

行行訪名嶽處處必留連
遂至一巖裏灌木上叅
天忽見茅茨屋曖曖有人烟
一士開門出一士呼
我前相看不道姓焉知隱與仙

春夜醮五嶽圖文

夜靜瓊筵謐月出杏壇明
香烟百和吐燈色九微
清五嶽移龍駕十洲回鳳笙
目想靈人格心屬羽
衣輕蕙肴薦神享桂醕達
遙誠熙然聊自得挹酒

念浮生

賦得長笛吐清氣

魏文帝善哉行曰悲絃
激新聲長笛吐清風

商聲傳後出龍吟鬱前吐
情斷山陽舍氣含平陽
塢胡騎爭北歸偏知別鄉苦
羈旅情易傷零淚如
交雨

立秋

絃辰戒流火商飈早已驚
雲天改夏色木葉驚秋
聲

周弘直

字思方弘讓弟方敦雅厚氣調高於二昆解褐梁大學博士為湘東王記室梁

元帝授衡陽長沙內史行湘州府事歷邵陵零陵太守陳天嘉中累遷太常卿光祿大夫

賦得荆軻

荆卿欲報燕銜恩棄百年市中傾別酒水上擊離
弦七首光凌日長虹氣燭天留言與宋意悲歌非

自憐

陸瓊

字伯玉吳郡人幼聰惠有思理仕陳累官吏部尚書性謙儉不自封殖以母憂去職

關山月

邊城與明月俱在關山頭焚烽望別壘擊斗宿危
樓團團婕妤扇纖纖秦女鈎鄉園誰共此愁人屢
益愁

梁甫吟

臨淄佳麗地年少一作少小習名倡似笑脣朱動非愁
眉翠揚掩抑隨竿轉和柔會瑟張輕扇屢迴指飛
塵亟繞梁寄言諸葛相此曲作難忘

還臺樂

一作陸機題云飲酒樂

蒲萄四時芳醇瑠璃千鍾舊賓夜飲舞遲銷燭朝

言終 卷之四 十三
醒絃促催人春風秋月恒好驩醉日月言新

長相思

長相思久離別一罷鴛文綺薦絕鴻已去柳堪結
室冷鏡疑冰庭幽花似雪容貌朝朝改書字看看
滅

和張湖熟電詩

惟徵動羽惟陰脅陽雨水作沴凝氣爲祥

玄圃宴各詠一物得箏

三五併時年二八共來前今逢泗濱樹定減琴中

絃鶴別霜初繁烏啼月正懸

陸瑜

字幹玉吳郡人瓊之從父弟也仕陳累官太子洗馬中舍人與兄琰並以才學侍東宮時人比之二應

仙人攬六著篇

曹子建仙人篇仙人攬六著對博泰山隅

九仙會歡賞六著且娛神戲谷聞餘地銘山憶舊
秦避敵情思巧論兵勢重新問取南皮夕還笑拂
慕人

東飛伯勞歌

言終
卷之四
西王青鳥秦女鸞姮娥婺女慣相看誰家玉顏窺
上路粉色衣香襍風度九重樓檻芙蓉華四隣照
鏡菱菱花新妝年幾纔三五隱幔藏羞臨網戶然
香氣歇不飛烟空留可憐年一年

獨酌謠

獨酌謠芳氣饒一傾蕩神慮再酌動神飈忽逢鳳
樓下非待鸞弦招牕明影乘人人來香逆飄杯隨
轉態盡釧逐畫杯搖桂宮非蜀郡當壚也至宵

陸芬

賦得襍言詠粟

貨見珍於有漢木取貴於隆周英肇萌於朱夏實
方落於素秋委玉盤襍椒糝將象席糝珍羞

詩紀卷之一百一

終

詩紀卷之一百二

陳五

張正見

字見蹟清河東武城人幼好學有清才
梁太清初射策高第除邵陵王國常侍
梁元帝立拜通直散騎侍郎遷彭澤令屬亂
避地匡俗山陳武受禪除鄱陽王參軍衡陽
王長史累遷散騎
侍郎太建中卒

樂府

釣竿篇

以下
五言

結宇長江側垂釣廣川
潯竹竿橫翡翠桂髓擲黃
金人來水鳥沒檝度岸
花沉蓮搖見魚近綸盡覺

言
先
五
潭深渭水終須卜滄浪徒自吟空嗟芳餌下獨見
有貪心

度關山

關山度曉月劔客遠從征雲中出迥陣天外落奇
兵輪摧偃去節樹倒礙懸旌沙揚折坂暗雲積榆
溪明馬倦時銜草人疲屢看城寒隴胡笳澁空林
漢鼓鳴還聽嗚咽水併切斷腸聲

晨鷄高樹鳴

阮籍詠懷詩曰晨鷄鳴高樹命
駕起旋歸然則此非樂府也

晨鷄振翮鳴出迥擅奇聲蜀郡隨金馬天津應玉
衡摧冠驗遠石繫火出連營

用江
道事

爭棲斜揭暮解

翼橫飛度試飲淮南藥翻上仙都樹枝低且候潮
葉淺還承露承露觸嚴霜葉淺伺朝陽猜羣怯寶
劔勇戰出花場當損黃金距誰論白玉璫長鳴逢
晉帝恃氣遇周王流名說魯國分影入陳倉不復
愁苻朗猶能感孟嘗

採桑

春樓曙鳥驚蠶妾候初晴迎風金珥落向日玉釵

言系
卷之五
明徙顧移籠影攀鈎動釧聲葉高知手弱枝軟覺
身輕人多羞借問年少怯逢迎恐疑夫壻遠聊復
答專城

艷歌行

城隅上朝日斜暉照杏梁併捲茱萸帳爭移翡翠
牀縈環聊向牖拂鏡且調妝裁金作小靨散麝起
微黃二八秦樓婦三十侍中郎執戟超丹地豐貂
入建章未安文史閣獨結少年場彎弧貫葉一作
影學劒動星芒翠蓋飛城曲金鞍橫道傍調鷹向

新市彈雀往睢陽行行稍有極暮暮歸蘭房前瞻
富羅綺左顧足鴛鴦蓮舒千葉氣燈吐百枝光滿
酌胡姬酒多燒荀令香不學幽閨妾生離怨採桑

從軍行

胡兵屯薊北漢將起山西故人輕百戰聊欲定三
齊風前噴畫角雲上舞飛梯鴈塞秋聲遠龍沙雲
路迷燕然自可勒函谷詎須泥

三婦艷詩

大婦織殘絲中婦妬蛾眉小婦獨無事歌罷詠新

詩上客何須起爲待絕纓時

置酒高殿上

曹子建筮篋引曰置酒高殿上親友從我遊

陳王開甲第粉壁麗椒塗高牕侍玉女飛闥敞金
鋪名香散綺幕石硯彫金鑪清醪稱玉饋浮蟻擅
蒼梧鄒嚴恒接武申白日相趨容與升階玉差池
曳履珠千金一巧笑百萬兩鬟姝趙姬未鼓瑟齊
客罷吹竽歌喧桃與李琴挑鳳將雛魏君慙舉白
晉主媿投壺風雲更代序人事有榮枯長卿病消

渴壁立還成都

門有車馬客行

飛觀霞光啓重門平旦開北闕高箱過東方連騎
來紅塵揚翠轂赭汗染龍媒桃花夾逕聚流水傍
池回投集作揮鞭聊靜集作接電捐軫暫停雷非關萬
里客自有六奇才琴和朝雉操酒泛夜光杯舞袖
飄金谷歌聲遶鳳臺良時不可再騶馭鬱相催安
知太行道失路車輪摧

白頭吟

平生懷直道松桂比真風語默妍媸際沉浮毀譽
中讒新恩易盡情去寵難終彈珠金市側抵玉春
崑一作山東含香老顏駟執戟異楊雄惆悵崔亭伯
幽憂馮敬通王嬙沒胡塞班女棄深宮春苔封履
跡秋葉奪妝紅顏如花落槿鬢似雪飄蓬此時積
長歎傷年誰復同

怨詩

集作情詩

新豐妖冶地遊俠競嬌奢池臺間羅綺桃李襍煙
霞葢影分連騎衣香合並車艷粉驚飛蝶紅妝映
落花舞衫飄冶袖歌扇掩團紗玉牀珠帳卷金樓
鏡月斜還疑蕭史鳳不及季倫家

應龍篇

應龍未起時乃在淵底藏非雲足不蹈舉則冲天
翔譬彼野蘭草幽居常獨香清風播四遠萬里望
芬芳隱居可願志自見焉得彰

輕薄篇

洛陽美年少朝日正開霞細蹀連錢馬傍趨苜蓿
花揚鞭還却望春色滿東家井桃映水落門柳雜

風斜綿蠻弄清綺
蛺蝶遶承華
欲往飛廉館
遙駐季倫車
石榴傳瑪瑙
蘭肴奠象牙
聊持自娛樂
未是鬪豪奢
莫嫌龍馭晚
扶桑復浴鵝

帝王所居篇

樂府不載見
文苑英華

峻函惟帝宅
宛雒壯皇居
紫微臨複道
丹水亘通渠
沉沉飛雨殿
藹藹承明廬
兩宮分槩日
雙闕並凌虛
休氣克青鎖
榮光入綺疏
霞明仁壽鏡
日照陵雲書
鳴鸞背鳩鵲
詔蹕幸儲胥
長楊飛玉輦
御宿徙金輿
柳葉飄緹騎
槐花影屬車
薄暮歸平樂

歌鐘滿玉除

朱鷺

金堤有朱鷺
刷羽望滄瀛
周詩振雅曲
漢鼓發奇聲
時將赤鴈並
乍逐彩鸞行
別有翻潮處
異色不相驚

上之回

林光稱避暑
回中乃吉行
龍媒躡影駛
玉輦御雲輕
風鳥繞鳩鵲
綵鷁照昆明
欲知鍾箭遠
遙聽寶鷄聲

戰城南

薊北馳胡騎城南接短兵雲屯兩陣口劍聚七星
明旗交無復影角憤有餘聲戰罷披軍策還嗟李
少卿

君馬黃二首

幽并重騎射征馬正盤桓風去嘶聲一作長嘶遠冰堅
度足寒出關聊變色上坂屢停鞍即令隨御史非
復在樓蘭

五色乘馬黃追風時滅沒血汗染龍花胡鞍抱秋
月唯騰渥洼水不飲長城窟詎待燕昭王千金市
駿骨

芳樹

奇樹舒春苑流芳入綺錢合歡分四照同心影一作
彰萬年香浮佳氣裏葉映彩雲前欲識楊雄賦金
玉滿甘泉

有所思

深閨久離別積怨轉生愁徒思裂帛鴈空上望歸
樓看花憶塞草對月想邊秋相思日日度玉臺作暮淚

言
卷之五
十
臉年年流

稚子斑

陳倉雉未飛歛翮依芳甸朱冠色尚淺錦臆毛初
變雉麥且專場排花聊勇戰唯當渡弱水不怯如
臯箭

臨高臺

層臺邈清漢出迥架重焚飛棟臨黃鶴高牕度白
雲風前朱幌一作幔色霞處綺疏分此中多怨曲地
遠詎能聞

隴頭水二首

隴頭鳴四注征人逐貳師羌笛含流咽胡笳襍水
悲湍高飛轉駛澗淺蕩還遲前旌去不見上路杳
無期

隴頭流水急流急行難渡遠入隗囂營傍侵酒泉
路心交賜寶刀小婦成紈袴欲知別家久戎衣今
已故

折楊柳

楊柳半垂空裊裊上春中枝疎董澤箭葉碎楚臣

言系 卷之五
弓色映長河水花飛高樹風莫言限宮掖不閉長
楊宮

關山月

巖間度月華流彩映山斜暈逐連城璧輪隨出塞
車唐莫遙合影秦桂遠分花欲驗盈虛理一作方
知道路賒

洛陽道

曾城啓旦扉上路滿春暉柳影緣溝合槐花夾岸
飛蘇合彈珠罷黃間負翳歸紅塵暮不息相看連

騎稀

梅花落

芳樹映雪一作雲野發早覺寒侵落遠香風急飛多
花逕深周人歎初標魏帝指前林邊城少灌木折
此自悲吟

紫騮馬

將軍入大宛善馬出從戎影絕乾河上聲流入一作
水窟中似鹿猶依草如龍欲向空須還十萬里試
爲一追風

雨雪曲

胡關辛苦地雪路遠漫漫含冰踏馬足襍雨凍旗
竿沙漠飛恒暗天山積轉寒無因辭日逐團扇掩
齊紈

劉生

劉生絕名價豪俠恣遊陪金門四姓聚繡轂一作簫鼓
五香一作侯來塵飛瑪瑙勒酒映碑礫杯別有追遊
夜秋牕向日開

公無渡河

金堤分錦纜白馬渡蓮舟風嚴歌響絕浪湧一作急
榜人愁擢折桃花水颿橫竹箭流何年沉璧處千
載偶陽侯

對酒

當歌對玉酒匡坐酌金罍竹葉三清泛蒲萄百味
開風移蘭氣入月逐桂香來獨有劉將阮忘情寄
羽杯

銅雀臺

一曰銅雀妓

淒涼銅雀晚搖落墓田通雲慘當歌日松吟欲舞

風人疏瑶席冷曲罷總帷空可惜年將淚俱盡望
陵中

長安有狹斜行

少年重遊俠長安有狹斜路窄時容馬枝高易度
車簷高同落照巷小共飛花相逢夾繡轂借問是
誰家

飲馬長城窟行

秋草朔風驚飲馬出長城羣驚還怯飲地險更宜
行傷冰斂凍足畏冷急寒聲無因度吳坂方復入

羌城

泛舟橫大江

魏文帝飲馬長城窟行曰
泛舟橫大江討彼犯荆虜

大江脩且濶揚舲度迴磯波中畫鷁涌帆上錦花
飛舟移歷浦月櫂舉濕春衣王孫定若遠詎待送
將歸

煌煌京洛行

千門儼西漢萬戶擅東京凌雲霞上起鳩鵲月中
生風塵暮不息簫笳夜恒鳴唯當賣藥處不入長

安城

明君詞

集作王明君

寒樹暗胡塵霜樓明漢月淚染上春衣憂變華年髮

神仙篇

稊言

瀛洲分渤澥閨苑隔虹蜺欲識三山路須尋千仞
溪石梁雲外立蓬丘霧裏迷年深毀丹竈學久棄
青泥葛水留還杖天衢鳴去鷄六龍驤首起雲閣
萬里一別何寥廓玄都府內駕青牛紫蓋山中乘

白鶴潯陽杏花終難朽武陵桃花未曾落已見玉
女笑投壺復覩仙童欣六博同甘玉文棗俱飲流
霞藥鸞歌鳳舞集天台金闕銀宮相向開西王已
令青鳥去東海還馭赤虬來魏武還車逢漢女荆
王因夢識陽臺鳳蓋隨雲聊蔽日霓裳雜雨復乘
雷神嶽吹笙遙謝手當知福地有神才

文苑英華又一首云

億舜日萬堯年詠湛露歌采蓮願稊百和氣宛轉金爐前樂府作沈約題曰樂未央

前有一樽酒行

前有一樽酒主人行壽今日合來坐者當令皆富

詩紀
卷之五
且壽欲令主人三萬歲終歲不知老爲吏當高遷
賈市得萬倍桑蠶當大得主人宜子孫

詩紀卷之一百二終

詩紀卷之一百三

陳六

張正見

詩

御幸樂遊苑侍宴

以下
五言

大君臨四表榮光普八埏區中文化洽海外武功
宣鳳下書丹篆龜符著綠編昆明不習戰雲夢豈
遊畋軌文通萬國旌節靖三邊高秋藐姑射睿想
屬汾川兩宮明合璧雙闕帶非煙揚鑾出城觀詔

言終
卷之六
蹕指郊壘禁苑迴雕輦離宮建翠旃流水奔雷發
追風赴電鞭畫熊飄析羽金埒響膠絃鳴玉升文
砌稱觴溢綺筵獸舞依鍾石鸞歌應管絃霞明黃
鵠路風爽白雲天潦收荷蓋折露重菊花鮮上林
賓早鴈長楊唱晚蟬小臣慚藝業擊壤慕懷鉛康
衢飛駛羽大海滴微涓詠歌還集木舞蹈遂臨泉
願薦南山壽明明奉萬年

重陽殿成金石會竟上詩

周王興路寢漢后成甘泉共知崇壯麗迢遰與雲
連抗殿疏龍首峻陞激天泉東西跨函谷左右矚
伊瀍百常飛觀竦三休複道懸拱烏遙造日擗虬
遠架煙雲棟疑飛雨風牕似望僊玉女臨芳鏡金
璫映彩椽梅梁橫發藻藻井倒披蓮雲一作榮光開
御宿佳氣屬祈年霜鴈排空斷寒花映日鮮負辰
憑霄極台司列象躔登臺誼大厦御氣響鈞天北
斗承三獻南風入五絃鸞歌鳩鵲右獸舞射熊前
翔鷲仰不逮燕雀徒聯翩

征虜亭送新安王應令

鳳吹臨南浦神駕餞東平亭迴漳水乘旃轉洛濱
笙地凍班輪響風嚴羽蓋輕燒田雲色暗古樹雪
花明岐路一迴首流襟動睿情

從藉田應衡陽王教作

五章

帝京惟赤縣神居應紫微塗山萬國仰滄海百川
歸東郊事平秩仲月祀靈威含光開早扇闡闔啓
朝扉

洛城鍾漏息靈臺雲霧卷森森虎戟前藹藹鑾旂
轉屬車遊絳闕風烏度丹巘帳殿幸金輿旌門擁

玉輦

玉輦帶非煙金輿映綠川雨師清遠路風伯靜遙
天分渠通沃野激水入公田草發

律祖作
幕接

青壇外

花飛蒼玉前

蒼玉臨珪璧青壇躬帝籍冒楨乃三推齊衡均百
辟蘭場儼芝駕桂圃芳瑤席山禽韻管絃野獸和
鍾石

鍾石旣相和江海復無波梁客簪裾盛陳王文雅
多脩途參弱駘喬木間輕蘿幸承濫吹末擊壤自

詩經
卷之六
三
爲歌

從永陽王遊虎丘山

滄波壯鬱島洛邑鎮崇芒未若茲山麗峯堯擅水
鄉地靈侔少室塗艱像太行重巖標虎據九曲峻
牟腸溜深澗無底風幽谷自涼寶沉餘玉氣劔隱
絕星光白雲多異影丹桂有藜香遠看銀臺竦洞
塔耀山莊瑞草生金地天花照石梁

陪衡陽王遊耆闍寺

甘棠聽訟罷福宇試登臨兔苑移飛蓋王城列玳
簪階荒猶累玉地古尚填金龍橋丹桂偃鷲嶺白
雲深秋牕被旅葛夏戶響山禽清風吹麥隴細雨
濯梅林

與錢玄智汎舟

高門事休沐朝野恣逢迎還乘一作尋金谷水俱望
洛陽城舟移津女渡楫動渭橋橫風高鴈已落雨
霽水還清葉盡桐門淨花秋菊岸明欲奏江南曲
聊習棹歌行

遊匡山簡寂館

詩經

卷之六 陳

四

三梁欄本絕千仞路猶通卽此神山內銀榜映仙
宮鏡似臨峯月流如飲澗虹幽桂無斜影深松有
勁風惟當遠人望知在白雲中

和諸葛覽從軍游獵

治兵耀武節縱獵駭畿封迅騎馳千里高且起百
重騰麇斃馬足饑鼯落劔鋒雲根飛燒火鳥道絕
禽蹤方羅四海俊聊以習軍戎

山家閨怨

王孫春好遊雲鬢不勝愁離鴻暫罷曲別路已經

秋山中桂花晚勿爲俗人留

和陽

一作揚

侯送袁金紫葬

玄泉開隧道白日照佳城一朝嗟此路千載幾傷
情秋氣一作雨悲松色淒風咽挽聲歸雲向谷晚還
柳背山輕唯當三五夜隴月暫時明

傷韋侍讀

懷經傳北海蘊義盛西河高峯落迴照逝水沒驚
波柳下悲風急山陽秋氣多宿草摧書帶寒松脆
女蘿無復華陰市空餘蒿里歌

後湖泛舟

上苑奢行樂滄池聊薄遊
汎荷分蘭櫂沈槎觸桂
舟殘虹收度雨缺岸上新流欲知有高趣長楊送
麥秋

遊龍首城

關外山川濶城隅塵霧浮
白雲凝絕嶺滄波間斷
洲四面觀長薄千里眺平丘
河津無桂樹樽酒自
淹留

別韋諒賦得江湖汎別舟

千里潯陽岸三翼木蘭船
鷺汎青鳧後鷄鳴白鷺
前涵花沒淺纜帶葉動深船
不言朝夕水獨自限
神仙

星名從軍詩

樂府作
從軍行

將軍定朔邊刀斗出祁連
高柳橫遙塞長榆接遠
天井泉含凍竭烽火照山
燃欲知客心斷危旌萬
里懸

賦得韓信

淮陰總漢兵燕齊擅遠聲
沉沙擁急水拔幟上危

詩經 卷之六
城野有千金報朝稱三傑名所悲雲夢澤空傷狡兔情

行經季子廟

延州高讓遠傳芳世祀移地絕遺金路松悲懸劔枝野藤侵沸井山雨濕苔碑別有觀風處樂奏無人知

賦得落落窮巷士

左思詠史詩落落窮巷士抱影守空廬

楊雲不邀名原憲本遺榮草長三徑合花發四隣

明塵隨幽巷靜嘯逐遠風清門外無車轍自可絕公卿

賦得日中市朝滿

鮑照結客少年場行日中市朝滿車馬若川流

雲閣綺霞生旗亭麗日明塵飛三市路蓋入九重城竹葉當壚初學作杯滿桃花帶綬輕唯見爭名利安

知大隱情

賦得題新雲

西北春雲起遙臨偃蓋松根危纔吐葉氣淺未成

言終
卷之六
峯風前飛未斷日處影疑重體輕無五色詎是得
從龍

賦得白雲臨酒

白雲蓋濡水流彩入澠川疎葉臨嵇竹輕鱗入鄭
船菊泛金枝下峯斷玉山前一朝開五色飄飄映
十千

詠雪應衡陽王教

九冬飄遠雪六出表豐年睢陽生玉樹雲夢起瓊
田入牕輕落粉拂柳駛飛綿欲動淮南賦亂下桂

花前

賦得雪映夜舟

黃雲迷鳥路白雪下鳧舟分沙映冰浦照鶴聚寒
流檣風吹影落纜錦襍花浮舩梁若是桂翻如月
照秋

薄帷鑒明月

阮籍詠懷詩薄帷鑒
明月清風吹我衿

長河上桂月澄彩照高樓分簾疑碎璧隔幔似垂
鈎牕外光恒滿帷一作中影暫流豈及西園夜長

言系
卷之六
隨飛蓋遊

玄圃觀春雪

同雲遙映嶺瑞雪近浮空
拂鶴伊川上飄花桂苑
中影麗重輪月飛隨團扇風
還取長歌處帶曲舞
春風

秋河曙耿耿

謝眺詩秋河曙耿耿寒渚鬱蒼蒼

耿耿長河曙濫濫宿雲浮
天路橫秋水星衡一作橋
轉夜流月下姮娥落風驚織女秋
德星猶可見仙

槎不復留

浦狹村煙度

梁簡文龍丘引浦狹村煙度洲長歸鳥息

茅蘭夾兩岸野燎燭中川
村長合夜影水狹度浮
烟收光暗鳥弋分火照漁船
山人不炊桂樵華幸
共然

和衡陽王秋夜

睢苑涼風舉章臺雲氣收
螢光連燭動月影帶河
流綠綺朱絃汎黃花素蟻浮
高軒揚麗藻卽是賦

新秋

賦得山卦名

蓬萊遜羽客巖穴轉蒙籠雲歸仙井暗霧解石橋
通影帶臨峯鶴形隨襍雨風尋師不失路咸欲馭
飛鴻

初春賦得池應教

遙天收密雨高閣映奔曦雪盡青山路冰銷綠水
池春光落雲葉花影發晴枝琴樽奉終宴風月豈
云疲

賦得垂柳映斜谿

千仞清溪險三陽弱柳垂葉細臨湍合根空帶石
危風翻夾浦絮雨濯倚流枝不分梅花落還同橫
笛一作吹

賦得岸花臨水發

奇樹滿春洲落蘂映江浮影間蓮花石光涵濯錦
流漾色隨桃水飄香入桂舟別有仙潭菊含芳獨
向秋

何遜贈諸遊舊詩岸花
臨水發江燕遶檣飛

賦得風生翠竹裏應教

金風起燕觀翠竹夾梁池翻花疑鳳下颺水似龍
移帶露依深葉飄寒入勁枝聊因萬籟響詎待伶
倫吹

賦得山中翠竹

脩竹映巖垂來風異夾池復澗藏高節重林隱勁
枝雲生龍未上花落鳳將移莫言棲嶰谷伶倫不
復吹

賦得梅林輕雨應教

梅樹耿長虹芳林散輕雨蜀郡隨仙去陽臺帶雲
聚飄花更濯枝潤石還侵柱詎得零陵燕隨風時
共舞

賦新題得蘭生野徑

披襟出蘭畹命酌動幽心鋤罷還開路歌喧自動
琴華燈共影落芳杜襍花深莫言閒逕裏遂不斷
黃金

賦得威鳳棲梧

初學云賦得
棲梧桐威鳳

丹山下威鳳來集帝梧中欲舞春花落將飛秋葉

空影照龍門水聲入洞庭風別有將雛曲翻更合
絲桐

賦得魚躍水花生

漾色桃花水相望濯錦流躍浦疑珠出依池似鏡
浮凌波銜落蘂觸餌避沈鈎方遊蓮葉外詎入武

王舟

賦新題得寒樹晚蟬疎

寒蟬噪楊柳朔吹犯梧桐葉迥飛難住枝殘影共
空聲疎飲露後唱絕斷絃中還因搖落處寂寞盡

秋風

賦得秋蟬鳴

一作咽

柳應衡陽王教

秋鴈寫

一作氣爽

遙天園柳集驚蟬競噪長枝裏爭飛

落木前風高知響急樹近覺聲連長楊流喝盡詎
識蔡邕絃

秋日別庾正員

英華作徐陵

征途愁轉旆連騎慘停鑣朔氣凌疎木江風送上
潮青雀離帆遠朱鳶別路遙唯有當秋月夜夜上
河橋

賦得佳期竟不歸 七言

庾肩吾有所思曰佳期竟不歸春物坐芳菲

良人萬里向河源 玉臺後集作小 婦三秋思柳園路遠

寄詩空織錦宵長夢返欲驚魂飛蛾屢繞帷前燭

衰草還侵階上玉銜啼拂鏡不成妝促柱繁絃還

亂曲時分 玉臺後集作特念 年移竟不歸偏憎寒急夜縫

衣流螢映月明空帳疎葉從風入斷機自對孤鸞

向影絕終無一鴈帶書回

賦得堦前嫩竹

翠竹梢雲自結叢輕花嫩筍欲凌空砌曲橫枝屢

解籜堦前疎葉強來風欲知抱節成龍處當於山

路葛陂中

詩紀卷之一百三 終

詩紀卷之一百四

陳七

江總

字總持濟陽考城人初仕梁累官至尚書僕射陳天嘉中轉太子詹事後主嗣位歷任尚書令不持政務但日與後主隨宴後庭多為艷詩國政日頹君臣昏亂陳亡入隋拜上開府開皇中卒

樂府

雉子斑

以下五言

麥壟新秋來澤雉屢徘徊依花似協妬拂草乍驚
媒三春桃照李二月柳爭梅暫住如臯路當令巧

詩也

卷之七 陳

笑開

隴頭水二首

隴頭萬里外天涯四面絕人將蓬共轉水與啼俱
咽驚湍自湧沸古樹多摧折傳聞博望侯苦辛提
漢節

霧暗山中日風驚隴上秋徒傷幽咽響不見東西
流無期從此別更度幾年幽遙聞玉關道望入杳
悠悠

折楊柳

萬里音塵絕千條楊柳結不悟倡園花遙同羗嶺
一作天嶺雪春心自浩蕩春樹聊攀折共此依依情無
奈年年別

關山月

兔月半輪明狐關一路平無期從此別復欲幾年
行映光書漢奏分影照胡兵流落今如此長戍受
降城

洛陽道二首

德陽穿洛水伊闕邈河橋仙舟李膺棹小馬王戎

言系
卷之一
二
鑣杏堂歌吹合槐路風塵饒綠珠含淚舞孫秀疆
相邀

小平路

一作臨

四達長楸聽五鐘玉節迎司隸錦車

歸濯龍絃歌聲不息環珮響相從花障蕩舟笑日
映下山逢

長安道

翠蓋承輕霧金羈照落暉五侯新拜罷七貴早朝
歸轟轟紫陌上藹藹紅塵飛日暮延平客風花拂
舞衣

梅花落二首

縹色動風香羅生枝已長妖姬墜馬髻未插江南
璫轉袖花紛落春衣共有芳羞作秋胡婦獨採城
南桑

胡地少春來三年驚落梅偏疑粉蝶散乍似雪花
開可憐香氣歇可惜風相摧金鏡且莫韻玉笛幸
徘徊

紫騮馬

春草正萋萋蕩婦出空閨識是東方騎猶帶北風

言終
卷之十一
嘶揚鞭向柳市細蹠上金堤願君憐織素殘妝尚有啼

驄馬驅

長城兵氣寒飲馬詎爲難暫解青絲轡行歇鏤衢
鞍白登圍轉急黃河凍不乾萬里朝飛電論功易
走丸

雨雪曲

雨雪隔榆溪從軍度隴西遶障看狐迹依山見馬
蹄天寒旗彩壞地暗鼓聲低漫漫愁雲起蒼蒼別

路迷

劉生

外編作王由禮
題云贈俠侶

劉生負意氣長嘯且徘徊高

一作辯

論明秋水命賞

陟春臺干戈倜儻用筆硯縱橫才置驛無年限遊
俠四方來

病婦行

窈窕懷貞室風流挾琴婦唯將角枕臥自影啼妝
久羞開翡翠帷嬾對蒲萄酒深悲在縑素託意忘
箕帚夫婿府中趨誰能大垂手

置酒高殿上

三清傳旨酒栢梁奉歡宴霜雲動玉葉凍水疎金
箭羽籥響鐘石流泉灌金殿盛時不再得光景馳
如電

今日樂相樂

綺殿文雅迨玳筵歡趣密鄭態逶迤舞齊絃窈窕
瑟金罍送縹觴玉井沈朱實願此北堂宴長奉南
山日

簫史曲

弄玉秦家女簫史仙處童來時兔月滿去後鳳樓
空密笑開還歛浮聲咽更通相期紅粉色飛向紫
煙中

詠燕燕于飛應詔

二月春暉暉雙燕理毛衣銜花弄薔靡拂葉隱芳
菲或在堂間戲多從幕上飛若作仙人履終向日
南歸

濟黃河

六朝聲偶作
柳顧言者非

葱山淪外域鹽澤隱遐方兩源分際遠九道派流

言系 卷之十 五
長未殫所聞見無待驗詞章留連嗟太史惆悵踐
黎陽導波縈地節一作脉疏氣耿天潢憫周沈用寶
嘉晉肇爲梁

橫吹曲

斷 簫聲鳳臺曲洞吹龍鍾管鏗鎔漁陽摻怨抑胡笳

怨詩二首

以下
七言

採桑歸路河流深憶昔相期栢樹林奈許新縑傷
妾意無由故劔動君心

新梅嫩柳未障羞情去恩移那可留團扇篋中言
不分拾遺
作盡纖腰掌上詎勝愁

烏棲曲

玉臺後集
作徐陵

桃花春水木蘭橈金羈翠蓋聚河橋隴西上計應
行去城南美人啼著曙

芳樹

朝霞映日殊未妍珊瑚照水定非鮮千葉芙蓉詎
相似百枝燈花復羞然暫欲寄根對滄海大願移
華側綺錢井上桃蟲誰可襍庭中桂蠹豈見憐

東飛伯勞歌

一作紹古歌

南飛烏鵲北飛鴻
弄玉蘭香時會同
誰家可憐出
牕牖春心百媚勝
楊柳銀牀金屋挂
流蘇寶鏡玉
釵橫珊瑚年時二
八新紅臉宜笑宜
歌羞更歛風
花一去杳不歸
祇爲無雙惜舞衣

襍曲三首

行行春逕
靡蕪綠織素
那復解琴心
乍愜南階悲
綠草誰堪東陌怨
黃金紅顏素月俱
三五夫婿何
在今追集作虜關山
隴月春雪冰一作深
誰見人啼

花照戶

殿內一處起金房

玉臺作便

勝餘人白玉堂
珊瑚挂

鏡臨網戶
芙蓉作帳
照雕梁
房櫳宛轉垂翠幕
佳麗逶迤隱珠箔
風前花管颺
難留舞處花鈿低
不落陽臺通夢太非真
洛浦凌波復不新
曲中唯聞張女調
一作曲定有同姓可憐人
但願私情賜斜領
不願傍人相比並
妾門逢春自可榮
君面未秋何意冷

泰山言應可轉移
新寵不信更參差
合歡錦帶鴛

鶯鳥同心綺袖連理枝皎皎新秋明月開早露飛
螢暗裏來鯨燈落花殊未盡虬水銀箭莫相催非
是神女期河漢別有仙姬入吹臺未眠解著同心
結欲醉那堪連理杯後宮不愜茱萸芳夜夜爭開
蘇合房寶釵翠鬢還相似朱脣玉面非一行新人
未語言如澀新寵無前判不減願奉更衣蘭麝氣
恐君馬到自驚香

梅花落

文苑英華作徐陵今從玉
臺樂府作江總下篇同

臘月正月早驚春衆花未發梅花新可憐芬芳臨

玉臺朝攀晚折還復開長安少年多輕薄兩兩共
唱梅花落滿酌金卮催玉柱落梅樹下宜歌舞金
谷萬株連綺薨梅花密處藏嬌鶯桃李佳人欲相
照摘葉一作藥牽花來並笑楊柳條青樓上輕梅花
色白雪中明橫笛短簫淒復切誰知栢梁聲不絕

宛轉歌

七夕天河白露明八月濤水秋風驚樓中恒聞哀
響曲塘上復有辛苦行不解何意悲秋氣直置無
秋悲自生不怨前階促織鳴偏愁別路擣衣聲別

燕差池自有返離蟬寂寞詎含情雲聚懷清四望
臺月冷相思九重觀欲題芍藥詩不成來採芙蓉
花已散金樽送曲韓娥起玉柱調絃楚妃歎翠眉
結恨不復開寶鬢迎秋度前亂湘妃拭淚灑貞筠
筴藥浣衣何處人步步香飛金薄履盈盈扇掩珊
瑚脣已言採桑期陌上復能解佩就江濱競入華
堂要花枕爭開羽帳奉華茵不惜獨眠前下釣欲
許便作後來薪後來冥冥同玉牀可憐顏色無比
方誰能巧笑特窺井乍取新聲學繞梁宿處留嬌

墮黃珥鏡前含笑美明璫菴苑摘心心不盡茱萸
折葉葉更芳已聞能歌洞簫賦詎是故愛邯鄲倡

長相思二首

雜言

長相思久離別征夫去遠芳音

一作幽芳

滅湘水深隴

頭咽紅羅斗帳裏綠綺清絃絕逶迤百尺樓愁思

三秋結

長相思久別離春風送燕入簷窺暗開脂粉弄花
枝紅樓千愁色玉筍兩行垂心心不相照望望何
由知

詩紀卷之一百五 終

詩紀卷之一百五

陳八

江總 二

詩

秋日侍宴婁苑湖應詔

以下五言

翠渚還鑾輅
瑤池命羽觴
千門響雲蹕
四澤動榮光
玉軸昆池浪
金舟太液張
虹旗照島嶼
鳳蓋繞林塘
野靜重陰闊
淮秋水氣涼
霧開樓闕近
日迴烟波長
洛宴諒斯在
鎬飲詎能方
朽劣叨榮遇
簪

言終
卷之八
笏奉周行

侍宴玄武觀

詰曉三春暮新雨百花朝星宮移渡罕天駟動行
鑣旆轉蒼龍闕塵飛飲馬橋翠觀迎斜照丹樓望
落潮鳥聲雲裏出樹影浪中搖歌吟奉天詠未必
待聞韶

宴樂修堂應令

肅城通甲觀承華啓畫堂北宮降恩賞西園度羽
觴殊私奉玉裕終宴在金房庭暉連樹彩簷影接
雲光仙如伊水駕樂似洞庭張彈絲命琴瑟吹竹
動笙簧庸疎濫應阮哀朽惡連章

三日侍宴宣遊堂曲水

上巳娛春禊芳辰喜月離北宮命簫鼓南館列旌
麾繡柱擎飛閣雕軒傍曲池醉魚沈遠岫浮棗漾
清漪落花懸度影飛絲不礙枝樹動丹樓出山斜
翠磴危禮周羽爵遍樂闕光陰移

秋日遊昆明池

元行恭薛道衡有此詩

靈

一作玄

沼蕭條望遊人意緒多終南雲影落渭北

言終 卷之八
雨聲過蟬噪金隄柳鷺飲石鯨波珠來照似月織
處寫成河此時一作詎知臨水歎非復採蓮歌

秋日登廣州城南樓

秋城韻晚笛危謝引清一作淒風遠氣疑埋劔驚禽
似避弓海樹一邊出山雲四面通野火初煙細新
月半輪空塞外離羣客顏鬢早如蓬徒懷建鄴水
復想洛陽宮不及孤飛鴈獨在上林中

贈洗馬袁朗別

賈誼登朝日終軍對奏年校文升廣內撫劔入崇
賢奇才殊艷逸將別更留連驅車命鏡管拱坐面
林泉池寒稍下鴈木落久無蟬露浸山扉月霜開
石路烟高談無與慰遲爾報華篇

入賈坐 詒孔中丞奐

我行五嶺表辭鄉二十年聞鶯欲動詠披霧卽依
然疇昔同寮案今隨年代改借問藏書處唯君故
人在故人名宦高霜簡肅權豪誰知懷九歎徒然
泣二毛步出東郊望心遊江海上遇物便今古何
爲不惆悵初晴原野開宿雨潤條枚叢花曙後發

言系
卷之八
一鳥霧中來淹留蘭蕙苑吟嘯芳菲晚忘懷靜躁
間自覺風塵遠白社聊可依青山乍採薇鍾牙乃
得性語默豈同歸

贈賀左丞蕭舍人

輜軒通八表旌節驚三秦聽歌酬敏對繼好佇行
人賀生思沈鬱蕭弟學紛綸共有筆端譽皆爲席
上珍離羣徒悄悄征旅日駢駢黃河分太史一曲
悲千里海內平生親中朝流寓士痛哉憫梁祚于
焉三十祀鍾儀繫不歸盛憲悲何已隴頭心斷絕
爾爲叅生死回首望長安猶如蜀道難函關分地
軸華嶽接天壇行壇方境逝去棹艤江干蘆花霜
外白楓葉水前丹翔鷗方怯凍落鴈不勝彈輝輝
盛王道時務嬰疲老九流倦耳目十年變懷抱何
以敦岐路淒然綴辭藻江南有桂枝塞北無萱草
斗酒未爲別垂堂深自保

遇長安使寄裴尚書

傳聞合浦葉遠向洛陽飛北風尚嘶馬南冠獨不
歸去雲目徒送離琴手自揮秋蓬失處所春草屢

芳菲太

集作歎

息關山月風塵客子衣

別南海賓化侯

石關通越井蒲澗邇靈洲此地何遠
復羣英逐遠遊高才袁彥伯令譽許文休
悠焉值君子復此映芳猷嶠函多險澁
星瑄壯環周分歧泣世道念別傷邊秋
斷山時結霧平海若無流驚鷺一羣起哀
猿數處愁是日送歸客爲情自可求終謝能鳴鴈
還同不繫舟其如江海泣惆悵徒離憂

庚寅年二月十二日遊虎丘山精舍

縱棹憐迴曲尋山靜見聞每從芳杜性
須與俗人分貝塔涵流動花臺偏領芬
蒙龍出簷桂散漫繞牕雲情幽豈徇物
志遠易驚羣何由狎魚鳥不願屈玄纁

入龍丘巖精舍

法堂猶集鴈仙竹已成龍聊承丹桂馥
遠視白雲峰風牕穿石竇月牖拂霜松
暗谷留征鳥空林徹夜鐘陰崖未辨色
疊樹豈知重溘此哀時命吁嗟世不容
無由訪詹尹何去復何從

明慶寺

十五詩書日六十軒冕年名山極歷覽勝地殊留
連幽厓聳絕壁洞穴瀉飛泉金河知證果石室乃
安禪夜梵聞三界朝香徹九天山階步皎月澗戶
聽涼蟬市朝霑草露淮海作桑田何言望鍾嶺更
復切秦川

攝山栖霞寺

并序○一作再遊栖霞寺言志

壬寅年十月十八日入攝山栖霞寺登岸極峭
頗暢懷抱至德元年癸卯十月二十六日又再

遊此寺布法司施菩薩戒甲辰年十月二十五
日奉送金像還山限以時務不得恣情淹留乙
巳年十一月十六日更獲拜禮仍停山中宿永
夜留連棲神悚聽但交臂不停薪指俄謝率製
此篇以記即目俾後來賞者知余山志

淨心抱冰雪暮齒逼

一作追

桑榆太息波川迅悲哉

人世拘歲華皆採獲冬晚共嚴枯濯流濟入水開
襟入四衢茲山靈妙合當與天地俱石瀨乍深淺
崖煙遞有無缺碑橫古隧盤水臥荒塗行行備履

言系
卷之八
歷步步麟一作威紆高僧迹共遠勝地心相符樵

隱各有得丹青獨不渝寺猶有朗詮二師居士明僧紹治中蕭跡塑像圖

遺風佇芳桂比德喻生芻寄言長往客悽然傷鄙夫

遊攝山栖霞寺并序

禎明元年太歲丁未四月十九日癸亥入攝山
展慧布法師憶謝靈運集還故山入石壁中尋
曇隆道人有詩一首十一韻今此拙作仍學康
樂之體

霖霖時雨霽清和孟夏肇栖宿綠野中登頓丹霞
杪敬仰高人德抗志塵物表三空豁已悟萬有一
何小始從情所寄冥期諒不少荷衣步林泉麥氣
涼昏曉乘風面泠泠候月臨皎皎烟崖憩古石雲
路排征鳥披逕憐森沈攀條惜杳曩平生忘是非
朽謝豈矜矯五淨自此涉六塵庶無擾

攝山棲霞寺山房夜坐簡徐祭酒周尚書

并同遊羣彥

澡身事珠戒非是學金丹月磴時橫枕雲崖宿解

言糸
卷之八
鞍梵宇調心易禪庭數息難石澗水流靜山牕葉
去寒君思北闕駕我惜東都冠翻愁夜鐘盡同志
不盤桓

仰同令君攝山栖霞寺山房夜坐六韻

徐克孝

陵之弟性至孝能談玄理尤精
意佛教宣帝時爲國子祭酒陳

亡入隋授
國子博士

戒壇青石路靈相紫金峯影畫歸依鴿養迎守
護龍晨朝宣寶偈寒夜歛疎鐘鷄蘭靜舍握仁
智獨從容五禪清慮表七覺蕩心封願言於此

處携手屢相逢

靜臥栖霞寺房望徐祭酒

絕俗俗無侶修心心自齋連崖夕氣合虛宇宿雲
羸臥藤新接戶欹石久成階樹聲非有意禽戲似
忘懷故人市朝狎心期林壑乖唯憐對芳杜可以
爲吾儕

仰和令君

徐克孝

上宰明四空迴車八道中洞涼容麥氣巖光對
月宮香來詎經火花散不隨風澗松無異聒禪

言終
卷之八
桂兩分叢虛薄誠爲累何因偶會同暫此乖山
北猶可向墻東

營涅槃懺還塗作

并序

禎明二年仲冬攝山栖霞寺布法師只爾待終
余以此月十七日宿昔入山仰爲師氏營涅槃
懺還塗有此作

可否同一貫生死亦一條況期滅盡者豈是俗中
要人道離羣愴冥期出世遙留連入澗曲宿昔陟
巖椒石溜冰便斷松霜日自銷向崖雲變隸出谷

霧飄飄勿言無大隱歸來卽市朝

至德二年十一月十二日升德施山齋三

宿決定罪福懺悔詩

四知無矯志二施啓幽心簡通避人物偃息還山
林曲澗停騶響交枝落幔陰池臺聚凍雪欄牖噪
歸禽石彩無新故峯形詎古今大車何杳杳奔馬
遂駸駸何以修六念虔誠在一音未泛慈舟遠徒
令願海深

南越木槿歌

言
卷之八
九
帝粧梁冀婦紅粧蕩子家

一作長蛾
衛女家

若持花竝笑

宜笑不宜花趙女垂金珥燕姬插寶珈誰知紅槿
艷無因寄狹邪徒令萬里道攀折自咨嗟

詠採甘露應詔

祥露曉氛氲上林朝晃朗千行珠樹出萬葉瓊枝
長徐輪動仙駕清晏留神賞丹水波濤汎黃山烟
霧上風亭翠旆開雲殿朱絃響徒知恩禮洽自憐
名實爽

借劉太常說文

劉芬慕子雲許慎詢景伯碩學該蟲篆奇文秀鳥
跡曰余從下帷待問垂重席不詣王充市聊投班
玩籍三寫徧鑽研六書多補益幽居服藥餌山宇
生虛白留連嗣芳杜曠蕩依泉石夫君愛滿堂願
言馳下澤

賦得一日成三賦應令

副君睿賞適清夜北園遊下筆成三賦傳觴對九
秋飛文綺縠采落紙波濤流樹密寒蟬響簷暗雀
聲愁綠澈明層殿青山照近樓此時盛禮物顧省

良若抽

攝官梁小廟

梁有小廟太祖太夫人廟也非嫡故別立廟南史曰侯景寇建鄴詔以總權兼太常卿守小廟

疇昔遊依所今日薦櫻時憲章誠有革歲月遂難
思故人獨之子宮聯更在茲虛簷靜暮雀洞戶映
光絲平生復能幾語事必傷悲

卞山楚廟

蘋藻祈明德倚棹息岩阿忽聽晨雞曙非復楚宮

歌閒階薤宿薺古木斷懸蘿帷堂寂易晚桴鼓自
相和盛祀流百世英威定幾何

山庭春日

一作休沐山庭

洗沐惟五日棲遲在一作對一丘古植橫近澗危石

聳前洲岸綠開河柳池紅照海榴野花寧待晦山
蟲詎識秋人生復能幾夜燭非長游

七夕

六朝聲偶作柳顧言者非

漢曲天榆冷河邊月桂秋婉孌期今夕飄飄渡淺
流輪隨列宿動一作轉路逐彩雲浮橫波翻瀉淚束

言終 卷之八
素反緘愁此時機杼息獨向紅粧羞

南還尋草市宅

紅顏辭鞏洛白首入轅轅乘春行故里徐步采芳
蓀逕毀悲求仲林殘憶巨源見桐猶識井看柳尚
知門花落空難遍鶯啼靜易誼無人訪語默何處
敘寒溫百年獨如此傷心豈復論

和張記室源傷往

集作傷
佳人

小婦當爐夜夫壻凱歸年正歌千里曲翻入九重
泉機中未斷素瑟上本留絃空帳臨牕掩孤燈向

壁然還悲寒隴曙

一作樹

松短未生烟

在陳旦解醒共哭顧舍人

一作傷
顧野王

獨酌一樽酒高詠七哀詩何言蒿里別非復竹林
期堦荒鄭公草戶閬董生帷人隨暮一作朝槿落客
共晚鶯悲年髮兩如此傷心詎一作獨幾時

侍宴臨芳殿

六朝聲偶作
柳顧言者非

鍾箭自

一作且

徘徊皇堂薦羽杯橋平疑水落石迴

見山開林前暝色靜花處近香來西嶷傷撫夕北

閣濫游陪

詩已

卷之八 陳

七

侍宴瑤泉殿

水亭通杵詣石路接堂皇
野花不識采旅竹本無
行雀驚疑欲曙蟬噪似
含涼何言金殿側亟奉
瑤池觴

別袁昌州二首

河梁望隴頭分手路悠悠
徂年若驚電別日欲成
秋黃鵠飛飛遠青山去去
愁不言雲雨散更似東
西流

客子歎途窮此別異西東
關山嗟墜葉岐路憫征

蓬別鶴聲聲遠愁雲處處同

經始興廣果寺題愷法師山房

息舟候香埠悵別在寒林
竹近交枝亂山長絕逕
深輕飛入定影落照有疎
陰不見投雲狀空留折
桂心

和衡陽殿下高樓看妓

起樓侵碧漢初日照紅粧
絃心艷卓女曲誤動周
郎並歌時轉黛息舞暫分
香挂纓銀燭下莫笑玉
釵長

賦得空閨怨

蕩妻怨獨守盧姬傷獨居
瑟上調絃落機中織素
餘自羞淚無燥翻覺夢成虛
復嗟長信閣寂寂往來疎

并州羊腸坂

三春別帝鄉五月度羊腸
本畏車輪折翻嗟馬骨
傷驚風起朔鴈落照盡胡桑
關山定何許徒御慘悲涼

歲暮還宅

悒然想泉石驅駕出城臺
翫竹春前筍驚花雪後
梅青山殊可對黃卷復時開
長繩豈繫日濁酒傾一杯

春夜山庭

春夜芳時晚幽庭野氣深
山疑刻削意樹接縱橫
陰戶對忘憂草池驚旅浴
禽樽中良得性物外知
余心

夏日還山庭

獨於幽棲地山庭暗女蘿
澗漬長低篠池開半卷

荷野花朝暝落盤根歲月多停樽無賞慰狎鳥自
經過

賦得謁帝承明廬

霧開仁壽殿雲繞承明廬輪停紺幃引馬度紅塵
餘香貂拜黻袞花綬拂玄除謁帝升清漢何殊入
紫虛

賦得携手上河梁應詔

早秋天氣涼分手關山長雲愁數處黑木落幾枝
黃鳥歸猶識路流去不知鄉秦川心斷絕何悟是

河梁

賦得汎汎水中鳧

歸鳧沸卉同亂下芳塘中出沒時銜藻飛鳴忽颺
風浮深或不息戲廣若乘空春鸚徒有賦還笑在
金籠

賦得三五明月滿

三五兔輝成浮陰冷復輕隻輪非戰反團扇少歌
聲雲前來往色水上動搖明况復高樓照何嗟攬
不盈

衡州九日

秋日正凄凄茅茨復簫瑟姬人薦初醞幼子問殘
疾園菊抱黃華庭榴剖珠寶聊以著書情暫遣他
鄉日

賦詠得琴

可憐嶧陽木雕為綠綺琴田文垂睫淚卓女弄絃
心戲鶴聞應舞游魚聽不沈楚妃幸勿歎此異丘

中吟

一作音

詠雙闕

象闕連馳道天

一作月

宇照方疏刻鳳棲清漢圖龍

入紫虛屢逢膏露灑幾遇祥烟初兢言百尺麗寧
方萬丈餘

三善殿夜望山燈

六朝聲偶作柳顧言者非

百花疑吐夜四照似含春
的的連星出亭亭向月
新採珠非合浦贈珮異江濱
若任扶桑路堪言竝
日輪

奉和東宮經故妃舊殿

故殿看看冷空階步步悲
猶憶窺牕處還如解佩

時苔生無意草燕入有言遲若令歸就月照見不
須疑

同庾信答林法師

藝文作周弘正

客行七十歲歲暮還徂征塞雲凝不解隴水凍無
聲君看日遠近爲忖長安城

詠李

嘉樹春風早春風花落新但見成蹊處幾得正冠
人當知露井側復與天桃鄰

詠蟬

白露涼風吹朱明落照移鳴條噪林柳流響遍臺
池忖聲如易得尋忽却難知

答王筠早朝守建陽門開

金兔猶懸魄銅龍欲啓扉三條息行火百雉照初
暉御溝槐影出仙掌露光晞

闕

侍宴賦得起坐彈鳴琴

絲傳園客意曲奏楚妃情罕有知音者空勞流水
聲

別永新侯

詩彙作張正見者非

送君張掖郡分悲函谷關欲知腸斷絕浮雲去不還

春日

水苔宜溜色山櫻助落暉浴鳥沈還戲飄花度不歸

於長安歸還揚州九月九日行薇山亭賦

韻

心逐南雲逝形隨北鴈來故鄉籬下菊今日幾花

開一作長安九日詩曰心逐南雲去身隨北鴈來故園籬下菊今日為誰開

哭魯廣達

南史曰廣達陳之良將也至德二年為侍中中領軍賀若弼進軍鍾山廣達力戰及韓擒乘勝破宮城廣德被執入隋以憤慨卒江總撫柩慟哭題其棺曰

黃泉雖抱恨白日自留名悲君感義死不作負恩生

秋日新寵美人應令

以下七言

後宮唯聞莫瓊樹絕世復有宋容華皆自爭名進女弟定覺雙飛勝蕩家願並迎春比翼燕常作照日同心花聞道艷歌時易調村許新恩那久要翠

眉未畫自生愁玉臉含啼還似笑角枕千嬌薦芬
香若使琴心一曲奏幽蘭度曲不可終陽臺夢裏
自應通秋樹相思一枝綠爲插賤妾兩鬟中

新入姬人應令

洛浦流風漾淇水秦樓新人度陽臺玉軼輕輪五
香散金燈夜火百花開非是妖姬渡江日定言神
女隔河來來時向月別姮娥別時清吹悲簫史數
錢拾翠爭佳麗拂紅點黛何相似本持纖腰惑楚
宮暫迴舞玉臺作鸞袖驚吳市新入羽帳挂流蘇故人
網戶織蜘蛛梅花柳色春難遍情來春去在須臾
不用庭中賦綠草但願思著美明珠

閨怨篇

寂寂青樓大道邊紛紛白雪綺牕前池上鴛鴦不
獨自帳中蘇合還空然屏風有意障明月燈火無
情照獨眠遠西水凍春應少薊北鴻來路幾千願
君關山及早度念妾桃李片時妍

又

藝文作江總次閨怨篇下玉臺作梁簡文和蕭子顯春別

蜘蛛作絲滿帳中芳草結葉當行路紅臉脈脈一

生啼黃鳥飛飛有時度故人雖故昔經新新人雖
新復應故

內殿賦新詩

兔影脉脉照金鋪虬水滴滴瀉玉壺綺翼雕甍邇
清漢虹梁紫一作桂柱麗黃圖風高暗綠凋殘柳雨

駛芳紅濕晚芙三五二八佳年少百萬千金買歌
笑偏著故人織素詩願奏秦聲采蓮調織女今夕
渡銀河當見新秋停玉梭

姬人怨

天寒海水慣相知空牀明月不相宜庭中芳桂憔悴
葉井上疎桐零落枝寒燈作花羞夜短霜鴈多情
恒結伴非爲隴水望秦川直置思君腸自斷

姬人怨服散篇

薄命夫婿好神仙逆愁高飛向紫烟金丹欲成猶
百鍊玉酒新熟幾千年妾家邯鄲好輕薄特忿仙
童一丸藥自悲行處綠苔生何悟啼多紅粉落莫
輕小婦狎春風羅襪也得步河宮雲車欲駕應相
待羽衣未去幸須同不學簫史還樓上會逐姮娥

戲月中

文苑英華註曰江總姬人怨二詩本集及藝文類聚共是一篇今題目既有增減當

以英華為正
分為二首

詩紀卷之一百五 終

詩紀卷之一百六

陳九

顧野王

字希馮吳郡吳人也少以篤學至性知名梁大通初除太學博士歷臨賀宣城琅邪三王官入陳歷撰史學士後王東宮管記光祿卿

羅敷行

東隅麗春日南陌采桑時樓中結梳罷提筐候早
期風輕鶯韻緩露重落花遲五馬光長陌千騎絡
青絲使君徒遣信賤妾畏蠶饑

芳樹

言終 卷之九
上林通建章
襍樹遍林芳
日影桃蹊色
風吹梅逕
香幽山桂葉
落馳道柳條長
折榮疑路遠
用表莫相忘

有所思

賤妾有所思
良人久征戍
笳鳴塞城表

一作笳鳴
胡塞表

花開落芳樹
白登澄月色
黃龍起烟霧
還聞雉子
斑非復
長征賦

隴頭水

隴底望秦川
迢遞隔風烟
蕭條落野樹
幽咽響流

泉瀚海波難息
交河冰未堅
寧知蓋山水
逐節赴危絃

長安道

鳳樓臨廣路
仙掌入烟霞
章臺京兆馬
逸陌富平車
東門疎廣餞
北闕董賢家
渭橋縱觀罷
安能訪狹斜

陽春歌

春草正芳菲
重樓啓曙扉
銀鞍俠客至
柘彈宛一作
婉童歸池前
竹葉滿井上
桃花飛薊門
寒未歇爲

斷流黃機

艷歌行三首

夕臺行雨度朝梁照日輝東城採桑返南市數錢
歸長歌挑碧玉羅塵笑洛妃欲知歡未盡棲鳥已
夜飛

齊倡趙女盡妖妍珠簾玉砌併神仙莫笑人來最
落後能使君恩得度前豈知洛渚羅塵步詎減天
河秋夕渡妖姿云六能傾城那思他人不憎妬蓮
花藻井推芰荷採菱妙曲勝陽阿

燕姬妍趙女麗出入王宮公主第倚鳴琴歌未央
調絃八九弄度曲兩三章唯欣春日永詎愁秋夜
長歌未央倚鳴瑟輕風飄落藥乳燕巢蘭室結羅
帷翫朝日牕開翠幔卷妝罷金星出爭攀四照花
競戲三條術

傳緯

字宜事北地靈州人梁太清末携母南奔
避亂王琳引為記室琳亡陳文帝召為撰
史學士後主立累遷秘書監右衛將軍兼中
書通事舍人性本強負才使氣施文慶等譖
之後主收下獄緯憤恚於獄
中上書極諫後主怒賜死

採桑

羅敷試採桑出入城南傍綺裙映珠珥絲繩提玉
筐度身攀葉聚聳腕及枝長空勞使君問自有侍
中郎

天馬引

驄色表連錢出冀復來燕取用偏開地爲歌乃號
天權奇意欲遠躡蹠勢難前本珍白玉鐙因飾黃
金鞭願酬芻秣寵千里得千年

襍曲

江總徐陵同賦

新人新寵任蘭堂翠帳金屏玳瑁牀

玉臺作梁

叢星不

似珠簾色度月還如

一作同

粉壁光從來著名推趙

子復有丹脣發皓齒一嬌一態本難逢如畫如花

定相似樓臺宛轉曲皆通絃管透迤徹下風此殿

笑語長相共

一作恒長共

傍省歡娛不復同訝許人情

太厚薄分恩賦念能斟酌多作繡被爲鴛鴦

一作雙鴛

長美綺琴憎別鶴人今投寵要須堅會使歲寒恒
度前共取辰星作心抱無轉無移千萬年

褚玠

字溫理河南陽翟人起家王府法曹爲山陰令去官之日貧不堪自致皇太子賜粟

米二百斛得還都令入直殿省累遷御史中丞

鬪雞東郊道

曹子建名都篇曰鬪雞東郊道走馬長楸間

春郊鬪雞侶捧敵兩逢迎詭一作羣排袖出帶勇

向場驚錦毛侵距散芥羽雜塵生還同戰勝罷耿

介寄前鳴

岑之敬

字思禮南陽人年十六對策擢高第累遷晉安王中記室陳太建初授東宮學士轉南臺侍御史征南府諮議參軍性謙謹士君子以篤行稱之

折楊柳

將軍始見知細柳繞營垂懸絲拂城轉飛絮上宮

吹塞門交度葉谷口暗橫枝曲成攀折處唯言怨

別離

洛陽道

喧喧洛水濱鬱鬱小平津路傍桃李節陌上採桑

春聚車看衛玠連手望安仁復有能留客莫愁嬌

態新

對酒

色映臨池竹香浮滿砌蘭舒文泛玉盃漾蟻溢金

盤簫曲隨鸞易笳聲出塞難唯有將軍酒川上可

除寒

烏棲曲

驄馬直去沒浮雲
河度冰開兩岸分
鳥藏日暗行人息
空樓隻影長相憶
明月二八照花新
當壚十五晚留賓

當壚曲

詩話補遺

明月二八照花新
當壚十五晚留賓
回眸百萬橫自陳

徐伯陽

字隱忍東海人大同中為侯官令甚得人
和陳天嘉中為侯安都記室參軍累

遷鎮安新安王
府諮議參軍

日出東南隅行

朱城璧日啓朱扉

玉臺云丹城璧日映朱扉

青樓含照本暉暉

遠映陌上春桑葉
斜入秦家細綺衣
羅敷粧粉能佳麗
鏡前新梳倭墮髻
圓籠裊裊挂青絲
鐵鈎冉冉勝丹桂
蠶饑日晚慙生愁
忽逢使君南陌頭
五馬停珂遣借問
雙臉含嬌時好羞
妾壻府中輕小吏
卽今來往專城裏
欲識東方千騎歸
藹藹日暮紅塵起

詩經 卷之九
遊鍾山開善寺

聊追鄴城友躡步出蘭宮法侶殊人世天花異俗
中鳥聲不測處松吟未覺風此時超凌網還復洗
塵蒙

蔡凝

字子居濟陽考城人天嘉中尚主拜駙馬都尉遷給事黃門侍郎後主嘗置會羣臣將移燕弘範宮凝不奉詔後主怒之遷晉熙王長史陳亡入隋

賦得處處春雲生

謝朓和劉西曹望海臺詩曰往往孤山映處處春雲生

春色遍空明春雲處處生入風衣暫斂隨車蓋轉

輕作葉還依樹為樓欲近城含愁上對影似有別

離情

蔡君知

凝之子頗知名

君馬黃

君馬經西極臣馬出東方策舉浮雲影珂連明月

光水凍恒傷骨蹄寒為踐霜躊躇嗟伏櫪空想欲

從良

阮卓

陳留尉氏人幼聰敏篤志經籍尤工五言性至孝有廉節仕陳為新安王府記室累遷德教殿學士聘隋還除南海王府諮議參軍陳亡入隋

關山月

關山陵漢開霜月正徘徊映林如璧碎侵塞似輪
摧楚師隨晦盡胡兵逐暖來寒笳將夜鵲相亂晚
聲哀

長安道

長安馳道上鐘鳴宮寺開殘雲銷鳳闕宿霧斂章
臺騎轉金吾度車鳴丞相來藹藹東都晚羣公騶
御回

詠魯仲連

魯連有高趣意氣本相求笑罷秦軍却書成燕將
愁聊寄南金賞方從滄海遊寄言人世客非君能
見留

賦得風

高風應爽節搖落漸疎林吹雲旅鴈斷臨谷曉松
吟屢惜初學作棄涼秋扇常飄清夜琴泠泠隨列子彌

諧逸豫心

賦得蓮下游魚

春色映澄陂涵泳且相隨未上龍門路聊戲芙蓉

詩經 卷之九
池觸浪蓮香動乘流葉影披相忘自有樂莊惠豈能知

賦得黃鵠一遠別

蘇武詩黃鵠一遠別千里顧徘徊

霜風秋月映樓明寡鶴偏棲中夜驚月夜徘徊顧別影風前棲斷送離聲離聲一去斷還續別響時來疎復促聊看遠客贈綾紋彌怨閒宵雅琴曲恒思昔日稻梁恩理翮整翰上君軒獨舞輕飛向吳市孤鳴清唳出雷門王子吹笙忽相值自覺飄飄

雲裏駛一舉千里未能歸惟有田饒解深意

陳昭

義興國山人慶之之子慶之在梁以軍功封永興侯卒昭嗣位

昭君詞

陰鏗集亦載此詩今從樂府作陳昭藝文又作陳明疑卽昭也

跨鞍今永訣垂淚別親賓漢地隨行盡胡關逐望新交河擁塞霧隴日暗沙塵唯有孤明月猶能遠送人

聘齊經孟嘗君墓

薛城觀舊跡征馬屢徘徊盛德今何在唯餘長夜臺蒼茫空壟路顛顛古松栽悲隨白楊起淚想雍

門來泉戶無關吏雞鳴誰爲開

陳暄

昭之弟學不師受而文才俊逸後主在東宮引爲學士及卽位遷通直散騎常侍與王叔達孔範等入禁中陪宴號爲狎客暄通脫以俳優自居爲後主侮虐悖死

洛陽道

洛陽九達

一作衢

上羅綺四時春路傍避總馬車中

看玉人鎮西歌艷曲臨淄逢麗神欲知雙璧價潘

夏正連茵

長安道

長安開繡陌三條向綺門張敞車單馬韓嫣乘副

軒寵深來借殿功多競置園將軍夜夜返絃歌著

曙喧

紫騮馬

天馬汗如紅鳴鞭度九巖飲傷城下凍嘶依北地

風笳寒芳樹歇笛怨柳枝空橫行意未已羞任轂

車中

雨雪曲

都尉出祁連雨雪滿雞田雕陵持抵鵲屬國用和

氈冰合軍應渡樓寒烽未然花迷差未著疎勒復

經年

祖孫登

仕陳為記室侯安都引以為客

紫騮馬

英華作蘇子卿

候騎若樓蘭長城迴路難嘶從風處斷骨住水中
寒飛塵暗金勒落淚灑銀鞍抽鞭上關路誰念客

衣單

宮殿名登高臺詩

獨有相思意聊敞鳳凰臺蓮披香稍上月明光正

來離鵲

一作鶴

將雲散飛花似雪迴遙思竹林友前

牕夜夜開

賦得司馬相如

雍容文雅深王吉共追尋當壚應酤酒託意且彈
琴上林能作賦長門得賜金唯當有漢主知懷封

禪心

詠風

颿颿楚王宮徘徊繞竹叢帶葉俱吟樹將花共儂
空飄香雙袖裏亂曲五絃中試上高臺聽悲響定
無窮

詠水

驪泉紫闕映一作龍川珠浦碧沙沉岸澗蓮香遠
流清雲影深風潭如拂鏡山溜似調琴請君看皎
潔知有澹然心

詠柳

馳道藏烏日鬱鬱正翻風抽翠爭連影飛綿亂上
空高葉臨胡塞長枝拂漢宮欲驗傷攀折三春橫
笛中

賦得涉江採芙蓉

古詩涉江採芙蓉
芙蓉蘭澤多芳草

浮照滿川漲芙蓉承落光人來聞花影衣渡得荷
香桂舟輕不定菱歌引更長採採嗟離別無暇緝
為裳

蓮調

長川落照日深浦漾清風弱柳垂江翠新蓮夾岸
紅船行疑汎迴月映似沈空願逐琴高戲乘魚入
浪中

詠城塹中荷

白水麗金扉青荷承日暉葉似環城蓋香亂上橋
衣岸高知水落影合見菱稀猶疑涉江處空望採
蓮歸

劉刪

仕陳爲長史侯安都爲
侍中大將軍引以爲客

泛宮亭湖

荊州記云宮亭湖廟神能
使湖中分風而帆南北

迴艫乘派水舉帆去聲逐分風混漾疑無際飄颺似
度空檣烏排鳥路船影沒河宮孤石滄波裏匡山
苦霧中寄謝千金子安知萬里蓬

賦得蘇武

奉使窮沙漠收淚上河梁食雪天山近思歸海路
長繫書秋待鴈握節暮看羊因思李都尉還漢不
相忘

採藥遊名山

郭璞遊仙詩採藥遊
名山將以救年頽

名山本鬱盤道士貴黃冠獨馭千年鶴來尋五色
丸石牀新溜乳金竈欲成丹定知無二價非復在
長安

詩經
卷之九
侯司空宅詠妓

陰鏗同賦

石家金谷妓粧罷出蘭閨看花只欲笑聞瑟不勝
啼山邊歌落日池上舞前溪將人當桃李何處不
成蹊

賦松上輕蘿

葉繞千年蓋條依百尺枝屬與松風動時將薜影
垂學帶非難結爲衣或易披山阿若近遠獨有楚
人知

賦得馬

獨飲臨寒窟離羣思北風陳王欲觀舞御史自隨
驄邊聲隕客淚果下益桃紅恒持沛艾影解向平
陵東

賦得獨鶴凌雲去

藝文作劉那聲偶作劉邦並誤

孤鳴思滄海矯翮避虞機怨別悽琴曲凌風散舞
衣五里雖迴顧千年會欲歸寄語雷門鼓無復一
雙飛

詠青草

雨淋三春葉風傳十步香映袍憐色重臨書喜帶

長

詠蟬

聲流上林苑影入守臣冠得飲玄天露何辭高柳

寒

謝燮

陳書太建十二年吏部侍郎缺所司屢
譽謝燮等宣帝不用乃中召用蕭引

隴頭水

隴阪望咸陽征人慘思腸咽流喧斷岸遊沫聚飛
梁鳧分斂冰彩虹飲照旗光試聽鏡歌曲唯吟君
馬黃

雨雪曲

朔邊昔離別寒風復淒切
毳毳六尺冰飄飄千里
雪未塞袁安戶行封蘇武節應隨隴水流幾過空
嗚咽

明月子

抄秋之遙夜明月照高樓登樓一迴望望見東
一作
南陌頭故人眇千里言別歷九秋相思不相見望
望空離憂

方諸曲

詩紀

卷之九 陳

七

望仙室仰雲光繩河裏扇月傍井公能六著玉女
善投壺瓊醴和金液還將天地俱

早梅

迎春故早發獨自不疑寒畏落衆花後無人別意
看

蕭詮

南史蕭詮仕
陳爲黃門郎

巫山高

巫山映巫峽高高殊未窮猿聲不辨處雨色詎分
空懸崖下桂月深澗響松風別有仙雲起時向楚

王宮

賦得往往孤山映

青山照落暉映遠望連飛仙峯看玉笥關路視金
微鼓吹聲疑盡香鑪烟覺稀共君臨水別勞此送
將歸

詠銜泥雙燕

銜泥金屋外表瑞玉筐中學飛疑漢妾巢幕憚吳
宮爪截還猶短窠成新尚空詎竝零陵石飛舞逐
春風

賦得夜猿啼

桂月影才通猿啼迴入風隔巖還嘯侶臨潭自響
空挂藤疑欲飲吟枝似避弓別有三聲淚霑裳竟
不窮

賦得婀娜當軒織

東南初日照秦樓西北織婦正嬌羞綺牕猶垂翡
翠幌珠簾半上珊瑚鈎新粧入機映春牖弄杼鳴
梭挑織手何曾織素讓新人不掩流蘇推中婦三
日五匹未言遲衫長腕弱繞輕絲綾中轉躡成離

鵲錦上迴文作別詩不惜繞素同霜雪更傷秋扇
篋中辭

賀徹

仕陳爲
左戶郎

採桑

蠶妾出房櫳結伴類花叢度水春衫綠映日晚妝
紅釧聲時動樹衣香自入風鈎長嫩枝曲葉盡細
條空競採湏盈手爭歸欲滿籠自憐公府步誰與
少年同

賦得長笛吐清氣

魏文帝善哉行悲絃
激清聲長笛吐清氣

胡關氛霧侵羌笛吐清音韻切山陽曲聲悲隴上
吟柳折城邊樹梅舒嶺外林方知出塞虜不憚武
溪深

賦得為我彈鳴琴

薄暮高堂上調琴召美人伯喈聲未盡相如曲復
新點綴還轉弄亂爪更留賓聊持一絃響雜起艷
歌塵

賀循 仕陳為
比部郎

賦得夾池修竹 初學作
賀脩

綠竹影參差歲蕤帶曲池逢秋葉不落經寒色詎
移來風韻晚逕集鳳動春枝所欣高蹈客未待伶
倫吹

賦得庭中有奇樹

古詩庭中有奇
樹綠葉發華滋

三春節物始芳菲遊絲細草動春暉香風飄舞花
間度好鳥和鳴枝上飛臨池間竹偏增綠依階映
雪紛如玉溫室庭前竟不言鼓吹樓中能作曲曾

聞遠別舊難思攀折會取贈佳期長條本自堪爲
帶密葉由來好作帷星稀漢轉月輪明徘徊夜鵲
屢相驚欲識幽人蘭社逕山牕芳桂復叢生

李爽 仕陳爲中記室

賦得芳樹

芳樹千株發搖蕩三陽時氣軟來風易枝繁度鳥
遲春至花如錦夏近葉成帷欲寄邊城客路遠詎
能持

山家閨怨

山中多早梅荆扉達曙開竹巾君自折荷衣誰爲
裁行雲無處所人住在陽臺

蕭賁 字文奐齊竟陵王子良之孫神識耿介幼好學有文才起家梁湘東王法曹參軍

長安道

前登灞陵道還瞻渭水流城形類北斗橋勢似牽
牛飛軒駕良駟寶劔雜輕裘輕過狹斜里 一作日裏

暮與 一作淹留

何胥 後主時爲太常令後主常與宮中女學士及朝臣相和爲詩采其尤艷麗者命胥被

之管絃以爲新曲

被使出關

詩彙作度 肩吾者非

出關登隴坂迴首望秦川絳水通西晉機橋指北
燕奔流下激石古木上參天鶯啼落春後鴈度在
秋前平生屢此別腸斷自催年

賦得待詔金馬門

漢家一統軌濟濟萬國朝飛纓拂曉霧輕輦逐晨
颺槐衢映綠紱日彩麗金貂此時參待詔誰復想
漁樵

傷章公大將軍

章字上疑 有闕文

百萬橫行罷三千白日新短簫應出塞長笛反驚
鄰槐庭慘芳樹舞閣思陽春所悲金谷妓坐望玉
關人

哭陳昭

思人適舊館寂寞非一源無復酣歌樂空餘燕雀
喧落暉隱窮巷秋風生故園撫孤空對此零淚欲
笑言

孔範

字法言會稽山陰人後主以為都官尚書 與江總等竝為狎客因與孔貴人結為兄

妹寵遇優渥陳亡入隋隋文帝暴其過惡 與王瑳王儀沈瓘名為四罪流之遠裔

賦得白雲抱幽石

白雲浮遠蓋飄飄繞石飛帶蓮縈錦色拂鏡下仙
衣陣結香爐隱羅成玉女微能感荆王夢陽臺雜
雨歸

和陳主詠鏡

虎賁愁興日龍鏡覽顏時懷恩未得報空歎髮如

絲

王嗟

與江總孔範等竝為狎客刻薄貪鄙忌害才能陳亡入隋被流遠裔

折楊柳

塞外無春色上林柳已黃枝影侵雲一作營暗葉彩

亂星光陌頭藏戲鳥樓上掩新妝攀折思為贈心

期別路長

洛陽道

洛陽夜漏盡九重平日開日照蒼龍闕烟遶鳳凰

臺浮雲翻似蓋流水倒成雷曹王鬪雞返潘仁載

果來

長相思

長相思久離別兩心同憶不相徹悲風悽愁雲結

言終 卷之九 三
絕 柳葉眉上銷菱花鏡中滅鴈封歸飛斷鯉素還流

潘徽

字伯彥吳郡人初仕陳爲客館令陳滅入隋累遷京兆郡博士楊玄感兄弟重之玄感敗出爲威定縣主簿意甚不平發病卒

贈北使

徽雖入隋此詩蓋作于陳故次于此

業定三邊靜時和四海敦行人仍禮籍使者接轡
軒賓榮君享燕客踞我司存旣美齊嬰學欣逢鄭
產言琴酒時歡會篇章極討論迴旌逗隴左返軸
指河源塞榆行隱路津柳稍垂門日沈山氣合潮

落水花翻離情欲寄鳥別淚不因猿所可緘懷袖
方以代蘭萱

韋鼎

杜陵人博涉經史明陰陽尤善相術仕梁累遷中書侍郎陳受禪拜黃門郎聘周還爲太府卿陳亡入隋授儀同除光州刺史○詩彙作隋

長安聽百舌

藝文曰陳聘使韋鼎在長安聽百舌

聲 萬里風烟異一鳥忽相驚那能對遠客還作故鄉

徐德言

破鏡詩

古今詩話曰陳太子舍人徐德言尚叔
 寶妹樂昌公主陳政衰謂妻曰國破必
 入權豪家儻情緣未斷尚冀相見乃破
 一照人分其半約他日以正月望日賣
 於都市及陳亡其妻果為楊越公得之
 德言流離辛苦僅能至京遂以正月望
 日訪於都市有蒼頭賣半照者大高其
 價人皆笑之德言直引至其居出半照
 以合之仍題詩云云公主得詩悲泣不
 食素因詰之公主以實對於是召德言
 至還其妻後歸
 江南終老云

鏡

一作照
下同

與人俱去鏡歸人未歸無復姮娥影空

留明月輝

樂昌公主

餞別自解

今日何遷次新官對舊官笑啼俱不敢方信作人

難

詩紀卷之一百六

詩紀

卷之九

三

詩紀卷之一百七

陳十

張君祖

按張君祖庾僧淵諸詩皆恬澹雅逸有晉風歷選陳世無此作也考高僧傳有康僧淵竺法雅者並在晉成帝時疑卽此人歟廣弘明集云陳張君祖既不能明姑列于此○以下爵里無考

詠懷三首

運形不標異澄懷恬無欲座可棲王侯門可迴金
轂風來詠逾清鱗萃淵不濁斯乃玄中子所以矯
逸足何必翫幽閒青衿表離俗百齡苟未遐昨辰

亦非促曦騰望舒映曩今迭相燭一世皆逆旅安
悼電往速區區雖非黨兼忘混礫玉恪神罔叢穢
要在夷心曲

靈飈起回浪飛雲騰逆鱗苟擢南陽秀固集三造
賓緬懷結寂夜味藻詠終晨延佇時無邁誰與拂
流塵眇情寄極眇蕭條獨遨神相忘東溟裏何晞
西朝津我崇道無廢長謠想義人

遙遜播荆衡杖策憩南郢遭動透浪迹遇靖恬夷
性拊卷從老語揮綸與莊詠遐眺獨緬想蕭神飈

塵正時無喜惠偶絕韻將誰聽習

一作君

子茂芳標

有欣徽音令穎敷陵霜倩葩熙三春盛拂翮期霄
翔豈與桑榆競我混不材姿遺情忘雕映雖非嶧
陽倚聊以翮泗磬

贈沙門竺法頽三首

沙門竺法頽遠還西山作詩以贈因亦嘲之省

其二經聊爲之讚

頽於倫切

鬱鬱華陽嶽絕雲抗飛峯峭壁溜靈泉秀嶺森青
松懸巖廓崢嶸幽谷正寥籠丹崖棲竒逸碧室禪

六通泊寂清神氣綿眇矯妙蹤止觀著無無還淨
滯空空外物豈大悲獨往非玄同不見舍利弗

一作

佛受屈維摩公

至人如影響靈慧陶億劫應方恢權化兆類蒙慈
悅冥冥積塵昧永在巖底閉廢聰無通照遺形不
洞滅明哉如來降豁矣啓潛穴幽精淪朽壤孰若
阿維察遙謝晞玄疇何爲自矜潔

邈邈慶成標峨峨浮雲嶺峻益十二嶽獨秀閭浮
境丹流環方基瑤堂臨峭頂澗滋甘泉液崖蔚芳
芝穎翹翹羨化倫眇眇陵巖正肅拱望妙覺呼吸
晞齡永苟能夷冲心所憩靡不淨萬物可逍遙何
必栖形影勉尋大乘軌練神超勇猛

道樹經讚

峨峨王舍國鬱鬱靈竹園中有神化長空觀體善
權私呵晞光景豈識真迹端恢恢道明玄解發至
神歡飄忽凌虛起無云受慧難

三昧經讚

迹超十二燒戒由三昧成賢行極妙住道志慧以

言終 卷之十
明九本既殊動四禪不同冥淵哉不起滅始自無
從生借問道氣倫安測泥洹靈

答庾僧淵

茫茫混成始豁矣四天朗三辰還須彌百億同一
像靈和陶氤氳會之有妙常一作長大慈濟羣生冥

感如影響蔚蔚沙彌衆粲粲萬心仰誰不欣大乘
兆定於玄曩三法雖成林居士亦有黨不見虬與
龍灑鱗凌霄上冲心超遠寄浪懷邈獨往衆妙常
所晞維摩余所賞苟未體善權與子同髣髴悠悠

誠滿域所遺在廢想

庾僧淵

代答張君祖

省贈法頽詩經通妙遠疊疊清綺雖云言不盡
意殆亦幾矣夫詩者志之所之意迹之所寄也
忘妙玄解神無不暢夫未能冥達玄通者惡得
不有仰鑽之詠哉吾想茂得之形容雖栖守殊
塗標寄玄同仰代答之未足盡美亦各言其志
也其辭曰

真朴運既判萬象森已形精靈感冥會變化靡不
經波浪生死徒彌綸始無名捨本而逐末悔吝生
有情胡不絕可欲反宗歸無生達觀均有無蟬蛻
豁朗明逍遙衆妙津栖凝於玄冥大慈順變通化
育曷常停幽閒自有所豈與菩薩弁摩詰風微指
權道多所成悠悠滿天下孰識秋露情

又答張君祖

遙望華陽嶺紫霄籠三辰瓊巖朗壁室玉潤灑靈
津丹谷挺樛樹季穎奮暉薪融飈衝天籟逸響互

相因鸞鳳翔迴儀虬龍灑飛鱗中有冲漠士耽道
玩妙均高尚凝玄寂萬物息自賓棲峙遊方外超
世絕風塵翹想晞眇蹤矯步尋若人咏嘯舍之去
榮麗何足珍濯志八解淵遼朗豁冥神研幾通微
妙遺覺忽忘身居士成有黨顧盼非疇親借問守
常徒何以知反真

何處士

廣弘明集云陳
從事何處士

春日從將軍遊山寺

蘭庭厭俗賞柰苑矚年華始入香山路仍逢火宅

言終
卷之十
五
車慈門數片葉道樹一林花雖悟危藤鼠終悲在
篋蛇

別才法師於湘還郢北

乘杯事將遠捧袂忽無聊南楚長沙狹西浮郢路
遙離庭花已散別戍馬新驕明日分千里相思非
一條

敬酬解法師所贈

道林俗之表慧遠廬之阿買山卽高世乘杯且渡
河法雨時時落香雲片片多若爲將羽化來濟在

塵羅

通士人篇

龍宮旣入道鳳闕且辭榮禪龕八想淨義窟四塵
輕香蓋法雲起花燈慧火明自然忘有著非止悟
無生

蘇子卿

朱鷺

玉山一朱鷺萬里

一作容與

入王畿欲向天池飲還遶

上林飛金堤曬羽翮丹水浴毛衣非貪葭下食懷

言終
卷之十
六
思自遠歸

五山一艾如張

誰在閒門外羅家諸少年張機蓬艾側結網槿籬
邊若能飛自勉豈爲繒所纏黃雀儻爲誠朱絲猶
可延

梅花落

中庭一樹梅寒多葉未開祇言花是雪不悟有香
來上郡春恒晚高樓年易催織書偏有意教逐錦
文回

紫騮馬

藝文樂府並
作祖孫登

候騎指樓蘭長城迴路難嘶從風處斷骨住水中
寒飛塵暗金勒落淚灑銀鞍抽鞭上關路誰念客
衣單

南征

一朝遊桂水萬里別長安故鄉夢中近邊愁酒上
寬劒鋒但須利戎衣不畏單南中地氣暖少婦莫
愁寒

陽縉

詩記

卷之十

陳

七

賦得荆軻

樂府作荆軻歌

函關使不通燕將重深功長虹貫白日易水急寒
風壯髮危冠下七首地圖中琴聲不可識遺恨沒
秦宮

照帙秋螢

秋牕餘照盡入暗早螢來忽聚還同色恒然詎落
灰飛影黃金散依帷縹帙開含明終律祖作自不息夜
月空徘徊

俠客控絕影

陸士衡擬古詩曰俠客

控絕景都人驂玉軒

青門小苑物華新花開鳥弄會芳春仙掌層臺浮
麗日長楸廣路起紅塵園中追尋桃李徑陌上逢
迎遊俠人遊俠英名馳上國人馬意氣俱相得白
玉鹿盧秋水劔青絲宛轉黃金勒復有魚目竝龍
文躡影追風本絕羣影入吳門疑曳練形來西北
似浮雲寄語幽弁馳射客未肯推門名持借君

平陽慎

從駕祀麓山廟

詩記

陳

聖德憂民暇麾旃謁山靈畫航汎北渚文馬侍東
平春浦戈鋌照寒林鏡吹鳴依稀長安驛蕭條都
尉城井泉能共動江帆得分行牕幽細網合堦靜
落花明欄巢始入燕軒樹已遷鶯菲菲蘭俎馥淡
淡桂樽清銀塘

藝文作堂

日影盡玉座舞衣輕

賀力牧

關山月

重關歛暮烟明月下秋前照石疑分鏡臨弓似引
弦霧暗迷旗影霜濃濕劒蓮此處離鄉客遙心萬

里懸

亂後別蘇州人

徘徊睇閭闔悵望極姑蘇慨矣嗟荒運悲哉惜霸
圖子常終覆郢宰詔遂亡吳石隕星方暗山崩川
自枯周京摧棧樸漢社落枌榆宮毀無巢燕城空
餘堞烏茲邦號端委多士自相趨照廡同燕石光
車等魏珠言離已惆悵念別更踟躕若訪任公子
求余東海隅

伏知道

言紀 卷之十 九
從軍五更轉五首

一更刁斗鳴校尉連連城遙聞射鵰騎懸憚將軍名

二更愁未央高城寒夜長試將弓學月聊持劍比霜

三更夜警新橫吹獨吟春彊聽梅花落誤憶柳園人

四更星漢低落月與雲齊依稀北風裏胡笳雜馬嘶

五更催送籌曉色映山頭城烏初起堞更人悄下樓

詠人娉妾仍逐琴心

春色轉相催佳人心自迴長卿琴已弄秦嘉書未來挂冠易分綬薦枕缺因媒染香風卽度登垣花正開貞樓若高下如何上陽臺

賦得招隱

招隱訪仙楹丘中琴正鳴桂叢侵石路桃花隔世情薄暮安車近林喧山鳥驚

毛處約

雉子斑

春物始芳菲春雉正相追
澗響連朝雉花光帶錦
衣竄跡時移影驚媒或亂飛
能使如臯路相逢巧
笑歸

陸系

有所思

別念限城闈還思樓上人
淚想離前落愁聞別後
新月來疑舞扇花度憶歌塵
只看今夜裏那似隔

河津

獨孤嗣宗

紫騮馬

倡樓望早春寶馬度城闈
照曜桃花逕蹀躞採桑
津金羈麗初景玉勒染輕塵
遠聽珂驚急猶一作知
是畫眉人

李燮

紫騮馬

紫燕忽踟躕紅塵起路隅
圍人移首宿騎士逐藤

言終
卷之十
十一
蕪三邊追黠虜一鼓定疆胡安用珂爲玉自有汗
成珠

江暉

劉生

五陵多美選六郡盡良家劉生代豪蕩標舉獨榮
華寶劍長三尺金樽滿百花唯當重意氣何處有
驕奢

雨雪曲

英華作王筠今
從樂府作江暉

邊城風雪至遊子自心悲風哀笳弄斷雪暗馬行

遲輕生本爲國重氣不關私恐君猶不信撫劍一
揚眉

何楫

班婕妤怨

齊紈旣逐篋趙舞卽凌人履跡隨恩故階苔逐恨
新獨臥銷香炷長啼費錦巾庭草何聊賴也持秋
當春

蕭淳

長相思

長相思久離別新燕參差條可結壺關遠鴈書絕
對雲恒憶陣看花復愁雪猶有望歸心流黃未剪
截

孔仲智

羈謠

芳杜觴春酒髣髴傷山時徒歌不成樂空以羈自
悲羈悲懷土心遽復還山路迨及春復時無使春
光暮

蕭有

射雉

二月春輦動曹王挾妬媒插翳依花合芟場向野
開隔田聞雉近橫溪見影來弦明青壓碎箭落錦
衣摧今日如臯路能將巧笑廻

徐湛

玉臺作
徐湛

賦得班去趙姬升

鮑明遠白頭吟曰申黜
褒女進班去趙姬升

班姬與飛燕俱侍漢王宮不意思情歇偏將衰草
同香飛金輦外苔上玉階中今日悲團扇非是爲

秋風

吳尚野

詠鄰女樓上彈琴

青樓誰家女開牕弄碧弦貌同朝日麗裝競午花
然一彈哀塞鴈再撫哭春鶉此情人不會東風千
里傳

吳思玄

閨怨

金風響洞房佳人心自傷淚隨明月下愁逐漏聲

長燈前羞獨鵲枕上怨孤凰自覺鴛帷冷誰憐珠

被涼

殷謀

日出東南隅行

秦樓出佳麗正值朝日光陌頭能駐馬花處復添

香

賈馮吉

自君之出矣

自君之出矣紅顏轉憔悴思君如明燭煎心且銜

詩經

卷之十

陳

七

淚
何曼才
出矣

賈憑為徐陵傷妾

遲遲衫掩淚
憫憫恨縈胸
無復專房日
猶望下山

許倪

破扇

蔽日無全影

玉臺作迎

風有半涼不堪
鄣巧笑猶足

動衣香

蕭麟

一作麟

詠柏復

疑即柏服女人脇衣也
○丹鉛餘錄作詠複裙

的的

一作晶晶

金紗淨離離

一作縫

分纖腰非學楚

寬帶為思君

蕭琳

隔壁聽妓

徒聞弦管切不見舞腰迴
唯有歌梁共塵飛一半

來

陳叔達

詩經
卷之十
十五
刺空鏡臺

卽今妝飾廢凋零衢路間嫦娥與明月相共落關
山

釋惠標

涉獵有才思陳寶應反以預謀坐誅

詠山三首

靈山蘊麗名秀出寫蓬瀛香鑪帶煙上紫蓋入霞
生霧捲蓮峯出崑開石鏡明定知丘壑裏併佇白
雲情

蛾眉信重險天日本仙居金華抱丹竈玉笥蘊神

書幽人披薜荔怨妾採靡蕪紫巖無暮雨何時送
故夫

丹霞拂層閣碧水泛蓬萊鰲岫含煙聳蓮崖照日
開松門夾細葉石磴染新苔能令平子見淹留未
肯回

詠水

曾添疎勒井經涌貳師營玉津花色亮銀溪錦磧
明舟如空裏沉人似鏡中行持將符上善利得動
高情

詠孤石

中原一孤石地理不知年根含彭澤浪頂入香鑪
煙崖成二鳥翼峯作一芙蓉何時發東武今來鎮

蠡川

贈陳寶應

梁書曰寶應據閩中與錙異潛有異謀遂起兵反沙門慧標作五言詩以送之寶應甚悅慧標齋以示虞寄謂所親曰標公既以此始必以此終後寶應敗標從坐伏誅

送馬猶臨水離旗稍引風好看今夜月當照紫微

宮

曇瑗

金陵人以戒律處世住持為要陳宣帝敕瑗通誨國僧以為僧正

遊故苑

續高僧傳曰瑗每上鍾阜諸寺修造道賢觸興賦詩覽物懷古洪偃法師傲寄泉石偏見朋從把臂郊垌同遊故苑瑗題樹為詩曰

丹陽松葉少白水黍苗多浸淫下客淚哀怨動民

歌春溪度短葛秋浦沒長莎麋鹿自騰倚車騎絕

經過蕭條四野望惆悵將如何

釋洪偃

俗姓謝氏會稽山陰人風神秀穎弱齡悟道梁太宗在東朝愛其雋秀欲令還

俗引為學士偃執志不從會講重雲抗言高論甚為武帝所優禮梁亂避地于縉雲陳武革命乃復出都天嘉五年卒偃始離俗迄於遷化惟學是務每緣情觸興輒敘其致而文彩灑落罕有嗣者

遊故苑

禪藻集誤作何偃

龍田留故苑汾水結餘波悵望傷遊目辛酸思緒

多涼颶慘高樹濃露變輕蘿澤葵猶帶井池竹尚

一作侵荷秋風徒自急無復白雲歌

登吳昇平亭

一作遊若邪雲門精舍

蕭蕭物候晚蕭蕭天望清旅人聊策杖登高蕩客

情川原多舊迹墟里或新名宿烟浮始旦朝日照
初晴獨遊乏徒侶徐步寡逢迎信矣非吾託賞心
何易并

遊鍾山之開善定林息心宴坐引筆賦詩

杖策步前嶺褰裳出外扉輕蘿轉蒙密幽逕復紆
威樹高枝影細山盡鳥聲稀石苔時滑屣蟲網乍
粘衣澗傍紫芝擘巖上白雲霏松子排煙去堂生
寂不歸窮谷無還往攀桂獨依依

釋智愷

俗姓曹氏任楊都寺與法泰同往嶺表素積道風辭力殷瞻卒於陳光大二年

臨終詩

禪藻集作法泰詩
題云邁疾竝誤

千月

一作秋

本難滿三時理易傾石火無恒燄電光

非久明遺文空滿笥徒然昧後生泉路方幽暄寒

隴向凄清一隨朝露盡唯有夜松聲

高麗定法師

詠孤石

迴石直生空平湖四望通巖根恒灑浪樹杪鎮搖

風偃流還清影侵霞更上紅獨拔羣峯外孤秀白

雲中

陳少女

寄夫

自君上河梁蓬首臥蘭房安得一樽酒慰妾九迴

腸

郊廟歌辭

無名氏

陳太廟舞辭七首

隋書樂志曰陳初武帝詔求宋齊故事太常卿周弘讓奏曰齊氏承宋咸用元徽舊式宗祀朝饗奏樂俱同惟北郊之禮頗有增益皇帝入墻門奏永至飲福酒奏嘉胙太尉亞獻奏凱容埋牲奏隸幽帝還便殿奏休成衆官竝出奏肅成此乃元徽所闕

永明六年之所加也唯送神之樂宋孝建二年秋起居注云奏肆夏永明中改奏昭夏帝遂依之是時並用梁樂唯改七室舞辭

凱容舞 皇祖步兵府君室

於赫皇祖宮牆高嶷邁彼厥初成茲峻極縵樂簡簡闕寢翼翼裸饗若存惟靈靡測

凱容舞 正員府君室

昭哉上德浚彼洪源道光前訓慶流後昆神猷綿邈清廟斯存以享以祀惟祖惟尊

凱容舞 懷安府君室

選辰崇饗飾禮嚴敬靡愛牲牢兼馨粢盛明明烈祖龍光遠映肇我王風形斯舞詠

凱容舞 皇高祖成安府君室

道遙積慶德遠昌基永言祖武致享從思九章停列八舞廻墀霧其降止百福來綏

凱容舞 皇曾祖太常府君室

肇迹締基義標鴻篆恭惟載德瓊源方闡享薦三清筵陳四璉增我堂構式敷帝典

景德凱容舞 皇祖景皇帝室

皇祖執德長發其祥顯仁藏用懷道韜光寧斯閔
寢合此蕭薌永昭貽厥還符翦商

武德舞

皇考高祖
武皇帝室

烝哉聖祖撫運升離道周經緯功格玄祗方軒邁
扈比舜陵媯緝熙是詠欽明在斯雲雷邁屯圖南
共舉大定揚越震威衡楚四奧宅心九疇還敘景
星出翼非雲入呂德暢容辭慶昭羽綴於穆清廟
載揚徽烈嘉玉既陳豐盛斯潔是將是享鴻猷無
絕

襍歌謠辭

無名氏

齊雲觀歌

隋書五行志曰陳後主造齊雲觀
國人歌之功畢而為隋師所虜

齊雲觀寇來無際畔

江東謠

隋書五行志曰陳初有童謠其後陳主
果為韓擒所敗擒本名擒虎黃斑之謂
也破建康之始復乘青
驄馬往反時節皆應

始黃斑青驄馬發自壽陽涘來時冬氣末去日春風

陳初童謠

御路種竹篠蕭蕭已復起合盤貯蓬塊無復揚塵已

又

日西夜烏飛拔劍倚梁柱歸去來歸山下

張種歌

陳書曰張種少恬靜居處雅正不妄交遊傍無造請時人為之語曰

宋稱敷演梁則卷充清處學尚種有其風

二賀歌

唐書曰賀臨仁越州山陰人在陳與兄德基師事周弘正以文辭稱人為語曰

學行可師賀德基文質彬彬賀德仁

詩紀卷之一百七 終

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十

商頌卷之二十



